

寶雞縣志

卷九

卷十



寶雞縣志卷之九

宦績

漢 王尊字子贛涿郡高陽人也初元中舉直書遷號令轉守槐里兼行美陽令事上行幸雍過號尊供張如法而辦以高弟擢安定太守官終東郡太守漢書贊稱其文武自將所在必發馮商續傳揚雄法言俱論其美餘見本傳

後漢 楊賜字伯獻太尉震孫少傳家學篤志博聞嘗退居隱約教授門徒不答州郡禮命後辟大將軍梁冀府非其好也出除陳倉令因病不行公車徵不至連辭三公之命後以司空高弟再遷侍中越騎校尉七在卿校五登衮職封臨晉侯薨於司空追位特進贈司空驃騎將軍印綬諡文烈纂後漢書楊震傳

寶雞縣志卷之九

一

初舉明經補宏農文學遷陳倉縣丞清淨無欲專心經書方其講問廼不食終日及有難者輒為張數家之說令擇從所安諸儒皆伏其多通著錄千餘人元初為縣丞嘗曰職事對府不知官曹處吏白門下責之時右扶風琅瑯徐業亦大儒也聞元諸生試引見之與語大驚曰今日相遭真解蒙矣遂請上堂難問極日後元去官舉孝廉除為郎會顏氏博士缺元試策第一拜為博士居數月諸生上言元兼說嚴氏宣氏不宜專為顏氏博士光武且令還著未及遷而卒後漢書儒林傳

北魏 韋閻字友觀京兆杜陵人少有器望值慕容氏政亂避地於薊城世祖徵拜咸陽太守轉武都太守屬杏城鎮將郝温及蓋吳反關中擾亂聞盡心撫納所部獨全在郡十六年卒魏書

本傳



蘇椿字令欽武功人性廉慎沉勇有決斷入統初拜鎮東將軍  
金紫光祿大夫賜姓賀蘭氏四年出爲武都郡守改授西夏州  
長史除帥都督行宏農郡事椿當官疆濟特爲太祖所知初爵  
美陽縣子後進爵爲侯位至驃騎大將軍開府儀同三司大都  
督餘見周書蘇綽傳

蘇讓字景恕武功人幼聰敏好學頗有人倫鑒識初爲奉州主  
簿稍遷別駕武都郡守鎮遠將軍金紫光祿大夫後爲南汾州  
刺史治有善政卒官贈車騎大將軍儀同三司涇州刺史

周書蘇亮

唐薛景偃天寶十五載爲陳倉令馬嵬之變楊國忠妻子及

虢國夫人走陳倉景偃誅之時賊勢大熾西脇汧隴景偃殺賊  
將克扶風而守之七月肅宗卽位以景偃爲扶風太守兼防禦

實錄卷之九

二

使賊遣兵寇扶風景偃擊却之京畿豪傑往往殺賊官吏遙應  
官軍賊兵所及者南不出武關北不過雲陽西不過武功江淮  
奏請之蜀之靈武者皆自襄陽取上津路抵扶風道路無壅皆  
景偃之力也永泰大歷間吐蕃再遣使者來聘朝廷遣景偃往

報位至戶部尙書

纂通鑑及唐書吐蕃列傳

張行成字德立定州義豐人唐初由毅熟尉擢制舉乙科改尉  
陳倉高祖謂吏部侍郎張銳曰今選吏豈無才用特達者朕將  
用之銳言行成調富平主簿有能名召補殿中侍御史糾劾嚴  
正太宗以爲能謂房元齡曰古今用人未嘗不因介紹若行成  
者朕自用之無先容也官至侍中兼刑部尙書高宗卽位封北

平縣公卒諡曰定

纂唐書本傳

劉仁軌字正則汴州尉氏人少好學以通博聞武德初河南道

安撫大使任瓌上疏有所論奏仁軌見其橐爲寘定數言瓌驚異赤牒補息州叅軍轉陳倉尉部人折衝都尉魯寧者豪縱犯法縣莫敢屈仁軌約不再犯而寧橫暴自如仁軌榜殺之州以聞太宗曰尉而殺吾折衝可乎召詰讓仁軌對曰寧辱臣臣故殺之帝以爲剛正更擢咸陽丞累遷給事中後以平百濟功超進六階眞拜帶方州刺史歷官尙書左僕射太子少傅初封樂城縣男後進爵爲公武后時改文昌左相同鳳閣鸞臺三品卒年八十五開元中追諡曰文獻

纂唐書本傳

宋 蔡黃裳字叔文晉江人大中祥符初第進士知魏縣郡守有親校招權受金者黃裳置之於法一府皆驚後遷鳳翔知府

萬姓統譜

侯蒙字元功密州高密人進士及第詞實雞尉知柏鄉民訟皆

實雞縣志卷之九

三

決于庭受罰者不怨徙知襄邑縣擢監察御史累官至尙書左丞中書侍郎餘見宋史本傳

按元以前宦積多缺略其載在史乘者考據如右此外如宋號令趙薦兩見蘇詩元邵顛大德八年以敦武校尉爲縣尹建立廟學陳履謙泰定四年任教諭捐建文廟其碑記業已無存舊志雖列入名宦無憑立傳姑附錄以俟考

核

明 尙英失其籍永樂間知縣事奏本縣歲貢棉花棉布乞就本處運赴漢川不必運布政司徒勞人力及陳倉東河等驛積草可二十餘年若將永樂九年草折鈔收支官民兩便從之

馬通志

志

丁瑄山西岢嵐州人宏治間由舉人知縣事鞫訊如神治行爲

三輔最學宮公廨俱所營建遷南直隸潁州知州

訂賈通志

許莊字康衢北直隸灤州人宏治十三年由進士令寶雞學博才俊以經義飾吏事廉能著績百廢具興宏治十五年遷稭平

陽知府士民挽留不獲立碑紀德後官至叅政

訂省志及舊志

師嘉言號慎堂山西河津縣舉人萬歷元年來知縣事心存撫字每遇催科稀役先示期限民皆及時完辦無追呼之擾教勗

士子多所成就其建萬歷以前科第題名碑於學宮前俾後來

者有所興起亦善舉也後晉延慶州知州

訂賈通志及舊志

陳以忠江南無錫縣人萬歷七年由舉人令茲邑舊志稱其持躬清約敷政寬平當時幾至無訟

王之佐北直南和人由歲貢通判鳳翔府天啟中兼攝縣篆時

遼餉蜀驚徵調旁午之佐芻蕘收園供應裕如有部民忤軍卒

者卒持刃追索至署之佐嚴斥之民賴以全

見李長芳所撰廟碑

張鯤化山西太平縣人由進士於天啟四年來知縣事舊志稱

其理煩治劇才績裕如嘗條陳編審事宜謂舊例縣屬民籍每

丁出銀一錢一分八厘有奇軍戶每丁出銀九分八厘六毫有

奇酌改爲丁糧通融攤派每糧一石折下下門人一丁民籍每

丁出銀八分七厘七毫零軍戶每丁出銀六分八厘二毫零卽

蒙當事允行其軫恤民瘼可推以及其餘也

見舊志均糧碑記

孫三傑山東樂安縣人由天啟乙丑進士來知縣事時瑞王分

封議立贖田於寶贖三傑力爭得減歲省千金民感其德

訂舊志

李嘉彥北直曲周縣人崇正七年知縣事時總督陳奇瑜縱賊

於車箱峽賊出棧道攻掠諸州縣犯寶雞爲嘉彥所挫奇瑜劾

嘉彥及鳳翔鄉官孫鵬等撓燕局帝怒遠嘉彥鵬及士民五十

餘人舊志載嘉彥歷官布政想因奇瑜謫後復擢用史無專傳故未詳其始終耳

纂明史陳奇瑜傳并舊志

嚴夢鸞字紫翔北直灤州人崇正丁丑進士十三年令寶雞視事之始卽值兵荒類仍夢鸞以保障爲己任繕器械嚴防禦捐貲築鑿城池修理邨堡剔蠹息訟振旅和民雖流寇出沒無常而勦援有方生靈賴以保全

舊志

唐夢鯤廣東番禺人萬歷乙卯舉人歷知仙居天台富川分水四縣在富川有撫徭功坐累謫池州經歷攝貴池縣事左良玉擁兵下鄉民奔入城守者拒夢鯤悉令納之改知寶雞縣或謂之曰君年垂耳順遠宦巖疆爲君危之夢鯤笑曰爲朝廷臣子安所避甫入境潼關失守賊欲取道寶雞夢鯤力禦之邑得無患未幾李白成據西安三秦相繼陷沒夢鯤知不能獨完一日晨起慷慨謂僕曰吾力竭矣惟一死以盡吾職北向痛哭經於

寶雞縣志卷之九

五

官署時崇正癸未十二月十八日也上聞贈光祿寺少卿賜祭葬焉

纂明史忠義傳及廣東通志

江英字順中四川江津縣舉人由會試乙榜授綏寧縣教諭上疏言得失洪武三十三年任寶雞丞廉平自守終始如一導民引水灌田邑人德之永樂初應求賢舉改知滄州以治聞遷貴州布政司左叅議苗酋普亮聚衆叛朝廷命鎮遠侯顧成往勦英上方略上嘉之命以民兵偕行英率敢死士入巢穴斬普亮及餘黨一境以寧尋調浙江轉雲南叅政以疾致仕子淵明史

有傳

訂舊志及江津縣志

房居法山西靈石縣人崇正間由選貢任縣丞舊志稱其廉幹有爲亦未詳其政績去官後僑寓寶邑

國初勳縣令張六部築城頗著勤勞其子大壯領順治丁酉科鄉薦

徐永達河南歸德州舉人任教諭訓迪有方科名絡繹九年考績當去生徒奏留復任未幾陞翰林院編修累官山西布政使李一鳳號儀聖四川劍州舉人司鐸寶雞天性忠厚以躬行率士人服其教遷雲南楚雄府推官有惠政卒官巷哭以上俱訂舊志

本

朝 薛光前字克孝山西萬泉縣選貢舊志稱其蒞任四載剔修雲棧重新廟學時定鼎之初盡心撫字四境晏如考滿膺薦晉秩浙江湖州府同知

張六部山東汶上縣人順治初繼薛光前來知縣事邑當蜀道之衝承前明彫敝之後萑苻屢擄扞衛孔艱六部下車之初錮繁除苛釐奸剔弊數月而民有起色復督同吏民修濬城隍爲一邑之保障其時戶口逃亡殫心編審調停羸縮苦樂適均見修

寶雞縣志卷之九

六

城碑

陳肇昌湖廣江夏縣人進士康熙初來知縣事政善民安民戶祝之有遺愛祠在祐德觀左今改爲汎弁官署

徐萬誥上世由明中山王達食邑江西饒州府餘干縣祖可魁

明武進士爲遊繫與洪承壽出關從龍立功遂世爲漢軍公由

舉人知寶雞縣適吳逆三桂寇縣境大軍屯城外時負郭各寨

士民有謀應賊者大軍廉得之欲先勦寨後擊賊公進曰民從

賊非得已賊未殺而傷民無乃不可不聽仍令架礮發火公立

礮前請當之大軍令曰汝能保不反耶公即書軍令狀單騎歷

各寨遍諭之家感泣皆隨公出諸大營謝罪所全活者不勝計

大軍稱賢公善左右射才博智膽五官並用大軍引與運籌帷

幄焉公自帶丁勇五百人爲嚮導城南有高山形勢利便三柱先據之我軍仰攻不利城中洵洵夫人佟氏戒女及婦誓必死見口自辰至晡炮聲不絕我軍勢益急公請分兵自山後衝擊弗聽乃請挈丁壯潛行斫柵焚草畢登賊首迎拒公連發數矢皆應弦倒直上山頂賊衆大亂大軍乘勝奮擊賊遂奔潰殺獲甚衆大軍追賊南下公乃收賊所掠婦女數千置諸寺中示諭其夫族領歸無一失所又悉召紳士通賊者見皆俯地感泣公責以大義遣之公之智勇仁明天性然也後罷官卒于家隱公之才雖未竟其用然至今秦隴間老稚謳思如公尙在云

麟趾公宦蹟記

秋潭徐 鋹

道光元年歲辛巳 鋹奉

命任西安將軍以十月來視事明年

寶雞縣志卷之九

七

詔巡閱南山由褒谷以趨漢沔道出寶雞蓋

先高祖麟趾公舊嘗蒞斯邑經今已百數十年矣詢諸故老猶有能道姓氏稽考縣志載公政治甚詳且悉余小子受而讀之乃瞿然以思愴然以興曰嗚呼我祖蓋大有造於秦隴之民宜乎民謳思之迄於今不置也夫民所謳思天必昌之宜乎子孫之克世其業繩繩繼繼以逮余小子之身猶蒙庥被澤於無窮也志稱 公蒞縣時值吳逆不靖環寇縣境山寨之民有謀應賊者大軍廉得其情將發礮盡殲之 公身立礮衝力自其不反請親諭各寨卒率其老弱詣軍門謝罪盡釋以歸所全活蓋數千人各散歸其家召遁賊者曉以大義俾消反側心咸感泣願効命城賴以全當是時內壓大軍外逼強敵左右無固志微

公調劑其間則陝以東悉糜爛矣功在秦隴斯言豈虛譽哉夫  
人情當倉卒擾攘之時非惟怯自全卽乘便利以急功名苟當  
於二意電勉從之矣民命非所恤也 公獨以救人爲急不憚  
於威不怵於衆毅然出其一身保數十萬人之命而又能措置  
裕如去累卵以安磐石此非智仁勇三德兼備亦烏能臨事不  
惑有若此者事成宜邀上賞乃卒罷官以歸秦人惜之嗚呼當  
公處危城時亦祇求其心之所安盡其職之所能以期不負  
君不負民不負平生所學而已城之得全身之得保與否舉不敢知  
卽事平以後獲優游天年終老於家亦非其初願所及也又豈  
料秦隴之民之誼思不置也哉又豈料百數十年後尙有嗣孫  
擁麾節奉簡書經過舊治諮詢耆老俾道旁觀者相與嘆詫傳  
說以爲此明德之食報無窮也哉嗚呼天之待善人者爲不爽

寶雞縣志卷之九

八

國雖危疑震撼交集一時而百折不易所守則居於一時未必不伸  
於百世而况身際承平進退得以自遂顧遇小小利害輒搖惑  
不能自主其何以爲人孫子哉仰賴先澤躋位通顯又幸得承  
乏於先人舊所臨蒞之邦敢循念所守以求無忝厥祖謹言其  
追慕興起之忱附於縣志後俾刊而傳之蓋述祖德卽以勵臣  
職云

按秋潭將軍記內麟趾公卽寶雞縣誌之縣令徐萬詵萬詵公  
名而麟趾其號也誌紀公事蹟智仁勇三德兼備惜未竟厥施  
然迄今秦隴間老稚誼思不忘秋潭繼尊甫中丞公皆以碩望  
豐功爲世名臣公之志事未顯於身而昌於後矣善無不報信  
哉樂園巖如煜識

劉光然浙江山陰縣人由貢生知縣事舊志稱其愛民養士治行最著雍正元年建城東鐘樓以培地脉丁艱去官攀轅者思慕不諼

陳錡奉天人雍正二年任練達精敏吏不敢欺囹圄一空刑政清簡

杜黃生四川閬中縣舉人雍正五年知縣事時值轉運西事糧餉措辦裕如不致病民又詳革歷任安置等項陋規民賴其利梁成武山西介休縣人由舉人任邑令廉介有守課文造士孳孳不倦邑人懷之

錢界字主恒浙江海鹽縣人故尚書文端公之介弟也能文善畫以孝廉方正任醴泉令雍正十二年調任寶雞實心愛民折節下士不以門第自矜寶邑連年轉運西餉界調劑得宜既不

賈雜縣志卷之九

九

誤公亦不累民邑東利民渠開自前明錢沈二郡守跡已久湮界銳志勤民履勘疏濬民賴其利尤爲先事之導以內艱去官泣送盈路終湖北施南府同知

喬光烈號潤齋江蘇上海縣人乾隆二年進士越二載來知縣事視躬勵政寬猛互濟首教民植桑以供蠶繭邑人張鍾英歌行所謂一株兩株株千萬株繁葉沃交枝柯是也每於春月勸農親載酒漿饋餉南畝今金陵店尙有遺跡時奉檄修棧道欲自寧荒之七盤關至寶雞之二里關全行煨鑿疏剔土石光烈持議萬難展拓之處仍用偏橋接濟不宜全棧俱用煨鑿致滋糜費采議允行尤留意學校各鄉俱設社學手裁駢啟以招月課卽於佑德觀內捐俸延師講學論文月以爲常今雞峰書院之所由昉也歷官湖南巡撫終甘肅布政使所著有最樂堂文

集六卷子鍾吳癸未進士現任甘肅岷州知州

董霖甘肅隴西縣舉人乾隆十二年由汧陽知縣調任來此才識明敏長於聽斷其驅逐回民禁立清真寺思患預防民受其

益

周天生江蘇吳縣人乾隆十四年除邑令諳習吏治案無留牘卽佑德觀之西創建雞峰書院一時人知向學至今藉以藏修焉其社學九處則天生與喬光列董霖後先建立陝屬通衢驛站舊有芻蕘之輸天生詳請禁革里民至今賴之

許起鳳字雲衢浙江昌化縣人進士乾隆二十七年除漢陰令對調茲邑利民渠自錢界首疏後越十餘年而周天生濬之又越十餘年而復湮起鳳履勘督修嚴立規條濬渠自上而下灌地自下而上至今有所憑而利導焉亦裁駢啟以課士文教丕

寶鏡縣志卷之九

十

振洺任後三年赴蘭州調議沿途亢暘起鳳軫念縣屬未雨素食默禱歸來苗已將槁徒步炷香禱於九龍泉翼曰得雨歲獲有秋其請項修城另詳建置內

陳鳳舉浙江錢塘縣人由進士於乾隆三十五年授邑令甫下車卽值歲旱盡心調劑榜諭居民掠者嚴寬之法富民無得擁粟自豐均令自行任卹一時人皆感激慕義有無相通境內教寧其聽斷明敏崇文教除淫祀尤知爲治之先務云

沈天祥浙江鄞縣人康熙初由吏員任邑典史改縣丞遷秩洵陽縣知縣常詳蠲洵賦荒銀一千七百餘兩至今洵人每飯不

志

武揮烈臨潼縣舉人乾隆十八年任教諭洺事六載月課無倦分遠近以定課期另行聚試生徒竟自振拔已卯鄉試獲雋者

三人以卓異遷廣西懷集縣知縣

梁繩祖江西南豐縣人乾隆二十一年任典史以醫學受知未

府語奸刑  
歛跡有喇嘛僧貢獻佛道過館舍故匿其首

以誰何人繩祖偵得之于其筒中僧衆懼服

右宦績之可紀者如此所謂居愛去思歿而尸祀之者也

然舊志既荒略不足憑傳聞又愛憎多失實自前明至今

其間忠信慈惠豈繫無人而落落至此謂非纂修者之責

耶茲從通志補尙英丁瑄二人又從遺碑補王之佐張洪

化二人又從明史補李嘉彥一人而嚴夢鸞傳亦采明史

詳其忠節又從修城碑補屠屠法張六部二人其錢界以

下則傳聞益熟故不厭詳言之也又舊志於職官名下小

註數行並無事實既非列傳之體又有每人僅註數字者

尤難藉以考信疑以傳疑未敢徑削致令湮沒如前明知

縣宋薦舊志稱其賑饑有方民獲生息曹相舊志稱其惠

愛清勤聲徹遐邇俞獻可舊志稱其一塵不染法律肅清

能汝廉舊志稱其愛養百姓釐剔雜嚴宋翼明舊志稱其

清勤匪懈入

國朝來縣丞王紀舊志稱其政業有聲王綰舊志稱其政善民

安祁鳴鳳舊志稱其安靜無擾王秀慎舊志稱其耿介自

矢王萬裕舊志稱其佐理克勤教諭郭夢龍舊志稱其博

學善誘張其泰舊志稱其重修廟學倣省志彙書之例連

類次之俾後來者有所考焉

寶雞縣志卷之十

人物上

聖賢

上古 炎帝神農氏姜姓母曰女登有嬌氏之女為少典妃感神龍而生炎帝長於姜水因以為姓火德王故曰炎帝餘見三皇紀及通鑑前編

一統志鳳翔府寶雞縣南七里有姜氏城城南有姜水炎帝長於姜水即此

周 號叔尚書惟文王尚克修和我有夏亦惟有若號叔左傳號仲號叔王季之穆也為文王卿士勲在王室藏於盟府

杜註號仲號叔王季之子文王之母弟也仲叔皆號君字賈達云號仲封東號制是也號叔封西號號公是也按賈達似

寶雞縣志卷之十

以西號為上陽之號不如晉太康記之核而有徵耳蓋號叔之國即後之號縣也

號文公國語宣王即位不藉千畝號文公諫王弗聽

韋註號叔之後西號也

西漢 徐敖號人為右扶風掾受尚書於胡常少子又受毛詩於解延年以授九江陳俠由是言毛詩者本之徐敖

漢書儒林傳

按邑儒林只教一人然已兼通二經矣豈非所謂叅勸講授師賢法古者乎

忠義

金 劉興哥號縣人為楊沃衍部將會元兵破西夏長驅而至關輔千里皆洶洶不安雖智者亦無如何獨興哥與沃衍率兵往來邠隴間屢戰屢勝故元軍猝不能東下後於清化戰死元

兵至酌酒以弔西州耆老語之至爲泣下

愛申逸其族與名一名忙哥木號縣鎮防軍累功遷軍中總領李文秀據秦州宣宗詔鳳翔軍討之軍圍秦州城時愛申有罪當死宣宗問之樞帥有知其名者奏此人將帥材忠實可倚宣宗命馳救之以爲德順節度使行元帥事正大四年春元兵西來擬以德順爲坐夏之所德順無軍人甚危之愛申識鳳翔馬肩龍舜卿可與謀事乃遺書招之肩龍得書欲行鳳翔總管不速嘉國鑑以元兵方進吾城可恃德順決不可守勸勿往肩龍曰愛申生平未嘗識我一見許爲知己我知德順不可守往則必死然則知己固不得不爲之死耳乃舉行橐付族父明爲死別冒險而去旣至不數日愛申假舜卿鳳翔總管府判官守禦一元兵舉天下之勢攻之愛申假舜卿鳳翔總管府判官守禦一與共之凡攻守二十晝夜力盡乃已同死於難臺諫有言當贈

寶雞縣志卷之十

二

德順死事者官以勳中外詔各贈官配食褒忠廟

俱金史忠義傳

人

明 楊畏知崇正中歷官雲南副使分巡金滄乙酉秋武定土

官吾必奎反陷祿豐廣通諸縣及楚雄府畏知督兵赴楚雄駐

其地必奎伏誅而阿迷土官沙定洲繼亂據雲南黔國公沐天

波走楚雄巡撫吳兆元不能制許爲奏請鎮雲南定洲遂西追

天波畏知說天波走永昌而已以楚雄當定洲定洲至畏知復

給之曰若所急者黔國耳今已西待爾定永昌還朝命當已下

予出城以禮見今順逆未分不能爲不義屈也定洲恐失天波

與盟而去分兵陷大理蒙化畏知乘間清野繕堞徵隣境援兵

姚安景東俱響應定洲聞不敢至永昌還攻楚雄不能下畏知

伺賊懈輒出擊殺傷多乃引去還攻石屏寧州昭峨皆陷之復

西攻楚雄迄不能下明年孫可望等入雲南定洲還救大敗遁歸阿迷可望等遂據會城初唐王聞畏知抗賊進投右僉都御史巡撫雲南以巡撫吳兆元爲總督及可望等至以畏知同鄉甚重之尋與劉文秀西略畏知拒戰敗投水不死踞而罵可望下馬慰之曰聞公名久吾爲討賊來公能共事相與匡扶明室非有他也畏知瞪目視之曰給我爾可望曰不信當折矢誓畏知曰果爾當從我三事一不得仍用僞西年號二不得殺人三不得焚廬舍淫婦女可望皆許諾乃與至楚雄略定大理諸郡使文秀至永昌迎天波歸迤西八府免屠戮畏知力也時永明王已稱號于肇慶而詔令不至前御史臨安任傑議尊可望爲國主以干支紀年鑄輿朝通寶錢畏知憤甚有所忤輒抵掌謾罵可望數欲殺之李定國劉文秀爲保護得免可望與劉李同輩一旦自尊兩人不爲下聞肇慶有君李錦李成棟等並加封爵念得朝命加王封庶可相制乃議遣使奉表畏知亦素以尊主爲言歲己丑遣畏知及永昌故兵部郎中龔葵赴肇慶進可望表請王封爲金堡等所持畏知乃曰可望欲權出劉李上而今晉之上公而卑劉李侯爵可也乃議封可望景國公賜名朝宗定國文秀皆列侯遣大理卿趙昱爲使加畏知兵部尙書參兵部侍郎同行時堵允錫會賜空敕得便宜行事昱乃就與許矯命改封可望平遠王易敕書以往武康伯胡執恭者慶國公陳邦傅中軍也守泗城州與雲南接欲自結可望言于邦傅先矯命封可望秦王曰藉其力可制李赤心也邦傅乃鑄金章曰秦王之寶璽所給空敕令執恭齋行可望大喜郊迎亡何畏知等至可望駭不受曰我已封秦王矣畏知曰此僞也執恭亦曰

彼亦僞也所封實景國公敕印故在可望怒辭敕使下畏知及執恭獄而遣使至梧州問故廷臣始知矯詔事文安侯馬古勛請封可望激江王使者言非秦不敢復命大學士嚴起恒持不可兵部侍郎楊鼎和助之且請御所獻白金玉帶會鄖國公高必正等入朝召使者言本朝無異姓封王者例我破京師逼死先帝滔天大罪蒙恩赦宥亦止公爵爾張氏竊據一隅罪固滅等封上公足矣安敢冀王爵自今當與我同心報國洗去賊名毋欺朝廷辱弱我兩家士馬足相當也又致書可望詞義嚴正使者唯唯退議遂寢必正者李自成妻弟同陷京師者也可望不得封益怒其年九月親率兵至貴州十一月

大兵破廣州桂林王走南寧事急遣編修劉蔭封可望冀王可望

仍不受畏知曰秦冀等耳假何如真可望不聽定國等勸可望

寶雞縣志卷之十

四

使畏知終其事可望許之明年二月先遣部將賀九儀張勝張

明志赴南寧索沮秦封者起恒鼎和及給事中劉堯珍吳霖張載述殺之乃真封可望秦王而畏知旋至痛哭自劾語多侵可望遂留爲東閣大學士與吳貞毓同輔政可望聞之怒使人召至貴陽面責數之畏知大憤除頭上冠擊可望遂被殺楚雄人以畏知守城功爲立祠以祀

明史本傳

楊威字海聞由武舉任固原千總陞守備以親老乞假歸值流寇犯境邑令嚴夢鸞邀共守城率鄉兵出勦多所斬獲一日虜賊於縣西谷中遇伏知衆寡不敵麾鄉兵使退而自爲殿身被數十創力戰而死

舊志

仕籍

元 王楫字巨川鳳翔號縣人父寔金武節將軍麟遊主簿楫

性倜儻弱寇舉進士不第乃入終南山讀書涉獵孫吳泰和中復下第詣闕上書論當世急務金主俾給事縉山元帥府尋用元帥高琪薦特賜進士出身授副統軍守涿鹿監太祖將兵南下檄麀戰三日兵敗見執將戮之神色不變太祖問曰汝曷敢抗我師獨不懼死乎對曰臣以布衣受恩誓捐軀報國今旣償軍得死爲幸帝義而釋之授都統佩以金符令招集山西潰兵從大軍破紫荆關取涿易保州中山軍次雄州節度使孫吳堅守不下檄入城諭以禍福吳遂以城降甲戌授宣撫使兼行尚書六部事從三合拔都大傅猛安率兵南征下古北口攻薊雲順等州所過迎降得漢軍數萬遂圍中都乙亥中都降檄進言曰國家以仁義取天下不可失信於民宜禁擄掠以慰民望時城中絕粒人相食乃許軍士給糧入城轉糶故士得金帛而民

獲粒食又議田野久荒而兵後無牛宜差官盧溝橋索軍回所驅牛十取其一以給農民用其說遂得數千頭分給近縣民大悅復業者衆三合猛安俾檄招諭保定新城信安雄霸文安清滄諸城皆望風欵附乃置行司於滄州以鎮之遂從猛安入觀授銀青榮祿大夫仍前職兼御史大夫世襲千戶時河間清滄復畔帝命檄討之復命駙馬孛術赤分蒙古軍及紮漢軍三千屬檄遂復河間得軍民萬口孛術赤惡其反復欲盡誅之檄解之曰驅羣羊使東西者牧人也羊何知哉殲其渠魁足矣釋此輩遷之近縣強者使從軍弱者使爲衆此天之所以畀我也何以殺爲孛術赤曰汝能保此輩不復反耶檄曰可卽移文保任之俱得全活帝命闡里畢與皇太弟國王分撥諸侯王城邑諭闡里畢曰漢人中若王宣撫者可任使之遂以前職兼判三司副使後

又命省臣擄括歸附工匠之數將俾大臣分掌之大師阿海具  
列諸大臣名以聞帝曰朕有其人偶忘姓名耳良久曰得之矣  
舊人王宣撫可任是職遂命檝掌之時都城廟學旣燬於兵檝  
取舊樞密地復創立之春秋率諸生行釋菜禮仍取舊岐陽石  
鼓列廡下丙戌從征西夏及秦州夏人盡撤橋梁爲備軍阻不  
得前帝問諸將皆不知計所出檝夜督士卒運木石比曉橋成  
軍乃得進戊子奉監國公主命領省中都屬盜起信安結北山  
盜李密轉掠近縣檝曰都城根本之地何可無備引水環城調  
度經費檝自爲券假之賈人而歛不及民人心稍安遣男守謙  
率軍討諸盜平之庚寅從征關中長驅入京兆進克鳳翔請於  
太宗曰此臣鄉邦也願入城訪求親族果得族人數十口以歸  
壬辰從攻汴梁癸巳奉命持國書使宋以兀魯刺副之至宋宋

寶雞縣志卷之十

六

人甚禮重之卽遣使以金幣入貢檝前後凡五往以和議未決  
隱憂致疾卒於南宋人重賙之仍遣使歸其柩葬於燕子六人  
元史本傳

明 劉俊字世英號樸菴以正統十年商輅榜第三人及第授  
編修十二年詔與江淵杜寧等十人肄業東閣曹鼐爲之師俊  
才思敏捷常同商輅入對輅愧不能及及出與輅講論古今乃  
爲所難遂發奮讀書所學益邃歷官修撰祭酒通政使太僕卿  
以工部侍郎致仕居鄉多善行

節舊志

按劉俊名附見明史李俊汪奎諸疏中所論頗與舊志不  
讐今錄其不甚齟齬者庶幾信以傳信也

楊茂字林修永樂辛卯舉人正統中歷湖廣道監察御史彈劾  
不避權貴考績允稱尋值南寇犯境出爲雲南廣南府知府到

任先賑饑而後勦寇人樂爲死卒定其難孫祥由舉人任四川重慶府通判晉夔州府同知廉介有爲剛毅不阿人號青菜楊曾孫汝宮由舉人歷官江西臨江府同知御兵民有方分別土著新附有軍潛入民版者清還伍籍終楚府長史

訂賈通志及舊縣志

張撫字世安成化己丑進士授刑部主事性剛決不畏強禦都督王義劉寧廣寧侯劉銓山西鎮守大監石巖各有罪衆莫敢決撫立訊決之浙江副使張蕙罪惡彰聞使者莫敢言撫治之遂服罪進四川按察副使蜀大饑捐俸易米賑之民賴不孳遷湖廣按察使楚多積盜設法偵捕盜由是息尋晉刑部侍郎明年乞歸撫精於吏事所在以嚴明稱

賈通志

白鸞字孟禽由進士任行人改授御史巡按山西舉廢滯抑豪橫伸理冤鬱激揚有體彈劾寧化王不法大著聲譽因按副使

賈通志卷之十

七

楊光浦事謫縣丞亦克勤厥職尋遷知縣卒

賈通志

林恭字子敬由舉人任直隸阜城知縣遷順德知府官終叅政所至有惠政民祠祀之子紳由進士任河南懷慶府推官在官居鄉皆有令聞

舊志

李英由歲貢知山西芮城縣公廉直幹吏民畏服

賈通志

王世安由舉人知河南澠池縣多惠政及歸送者遮道卽縣治東建遺愛祠

高遷才氣豪邁學問淹博當歲薦推之於老友讓腹田於其弟後以嘉靖十年歲貢任山西長子縣訓導陞直隸景州學正終肅府敎授孫數仞由舉人知山西孝義縣陞潞安府通判改判夔州府在官清肅務持大體以艱歸居鄉以義讓聞

王乾元由舉人知直隸順義縣遷山西朔州皆能於其職敝車

羸馬布衣蔬食如寒士終濟南同知掾守如一著有泰山集

李甲字偉菴萬歷癸未進士知直隸開州清謹有惠政後任大同兵備副使期年餘餉銀一十三萬悉入內帑尋以疾歸特起用大同巡撫未任卒

高射斗字望微由舉人知江南東流縣興學鋤暴捐香口吉陽鮑茶麥魚之供太湖之盜相戒不入境士民爲頌菊花流膏詩轉山西大同府丞陞雲南楚雄知府清邊燧靖苗疆皆有著稱以老疾告歸

韓煜字心垣由拔貢知順義縣以治行擢汝寧府丞署篆信陽俄而汝寧陷督師楊文岳僉事王世琮死之煜聞變急還救二人屍於亂軍中取其印繳部卽以煜知府事尋陞汝南兵備道簡練營兵恢復州縣十餘處枕戈卧甲境內粗安甲申變後知

寶雞縣志卷之十

八

事不可爲慟哭西歸杜門教子孫壽九十一卒

以上皆訂舊志

本朝黨崇雅字子姜明天啟乙丑進士累官戶部侍郎督餉天津順治元年以原官赴京補用九月改刑部左侍郎請更定

大清律輕重比附斟酌得宜五年陞本部尙書八年調戶部時車書日闕軍興費不貲崇雅量入爲出國用裕如進少保兼太子太保九年請老歸十一年

特旨起用授翰林國史院大學士加太保兼太子太傅崇雅既拜命入直綸扉夙夜匪懈嘗侍

世祖顧問曰朕以堯舜之心爲心而天下未平何也崇雅曰在善推其所爲而已因請筆札疏六事以進既出或問何事曰入告君而出語入可乎其慎如此十三年二月

予告歸九月

遺使存問崇雅家居清約門閨悄然每出入一蹇一僮里中不知

爲師相也康熙三年卒

賜祭葬咸如禮

通志

高嶙字陟雲射斗子以歲貢任浙江慶元知縣時經兵燹後瀟  
目邱墟嶙次第經營百廢具舉置實徵冊清釐糧畝逐戶詳載  
俾吏無所作奸又善強記默識逐件判押其筆畫輕重長短各  
有暗識卽陰晴風雨亦逐日記之故折獄皆得情

強致中字詣極以舉人知直隸懷柔縣行取戶部四川司主事  
剔釐積弊司農賢之薦補福建司員外尋轉刑部湖廣司郎中  
有節婦馮氏入獄卽力雪其冤外轉江西吉安知府剖判塵案  
屏絕私謁有屬吏楊嶠盛瑞以非辜陷于理平反出之人號神  
君

實錄卷之十

九

党居易以祖崇雅廕任湖廣均州知州時當流寇蹂躪之餘撫  
字招徠流徙漸復康熙癸丑吳逆告變次年譚楊諸賊突城下  
居易出私財募士死守會授至圍解叙功內遷員外轉郎中出  
爲廣東南雄知府除火耗設義學補築陂堰濬溝灌田萬餘頃  
尋晉按察使司副使分巡雷瓊黎人向化民賴以安

高維嶽以拔貢授山東鹽運司經歷屢署縣篆所至有聲以薦  
授直隸樂城令地當孔道事劇民疲維嶽撫字休養剔弊興利  
于農桑學校尤加意焉著有學耕園全稿

強兆統字仔肩由進士知廣東電白縣廣多巨盜兆統每於高  
阜處置望樓懸鉦焉逃警則鳴鉦驅逐獲輒杖斃有渠魁爲知  
府某陰庇將寘之法而府牒適下兆統先斃之而後發封知府  
無如何也以故十年不調後以行取陞吏部主事洊歷郎中

試江南名宿多出其門甫竣卒于行署

馮開泰字孟伯由舉人知山東章邱縣事繁民疲素號難治聞秦史以簡易民便之值歲饑卽額請賑濟民賴以蘇其他建學

講約築堤捍水皆有實效行取刑部山東司主事

以上皆訂府縣志

韓萬由選貢任靈臺縣教諭邑故荒陋官斯職者多以脩脯爲克裘萬勤于訓課勵志古學文風漸變遠郊受學者庠舍至不能容遂捐俸增建以惠來學尋以疾告歸

高登科由乾隆己卯舉人知浙江麗水縣涖任七載惠政及民常引括蒼溪流分灌田畝鳩育嬰堂以字幼孤建連城書院以興學校分校丁酉鄉試所得多知名士會稽茹芬出其門後以甲辰第一人及第八尤服其藻鑑

文苑

寶雞縣志卷之十

十一

宋 范莊家素裕獨耽經史學與其友東如京師南抵濠潞求師友比歸其兄弟已析爨已獨得疇零弗計也復如太學學益邃四方賢俊多願交焉數舉不利遂專心戴禮爲明經業注疏皆能叅其會通會改科罷明經乃絕意進取而專閱史傳考古入行事時與鄉中有道者爲詩酒之樂益藏書招賢士教子交遊多魁磊宏博之士不肯投俗人耳目張今所謂古學是敦者也以元祐初卒

張今政和間入仕至奉議郎武騎尉其著述久逸今所傳者惟范子嚴墓志而已然亦足以冠冕文苑矣子忭成進士

明 劉文顯俊之曾孫篤行力學著有奉先集三卷以選貢歷官教授作興文教

党魯字宗孔持身方正鄉人則之一經傳家式設有後任原武

縣訓導歷山海衛教授孫嶽雅

高敏字克勤少治戴記卽通訓詁籍諸生後一人鄉闈不售遂不復爲帖括學益淹博羣書邑中推其文行舉薦賓筵著有澗

川集

本例 李修字汝欽少籍諸生從盤屋李頤學欣然有得遂謝舉業有志正學博考儒書剖晰精奧著心心精一二錄補薛存齋四書說蘊大有發明邑令燕山李瑩受業于門年七十三歲党丕顯字知微居易子性聰雋喜問學與同邑趙碧強良佐盧士英楊廷桂張式仲毛儀張雲漢袁如幾楊之春等結詩酒社九人者家故貧丕顯時加周恤折節下之九人不以故稍貶書法雅慕懷素中康熙己卯副榜仕文縣教諭著有亦姜集

毛儀字象生居磻溪因以爲號幼聰穎出語輒驚人既長博通

寶雞縣志卷之十

十

羣籍以逸貢赴成均大小司成咸器之雷肄業以親老辭歸遭喪哀毀祭葬一依古禮辛酉鄉試不售遂罷舉築廬溪上講明正學門人益進所著有磻溪詩文集告子篇書義

彭延齡字介眉博學多通持身不苟康熙甲午舉解不售抑置副車遂絕進取意爲文出自性靈人多誦之

張君錫字公舉性敏慧羣書一覽成誦以故淹洽而人未見其攻苦爲文浩漫自喜旣乃矯之以簡勁成進士未仕卒著有養拙集

冶含芳字馨齋雅有文譽膺乾隆戊午鄉薦十上公車屢薦未第授徒於陽平鎮之法慧院從遊者至百人曲意循誘成材頗衆子登和乙酉選貢

張鍾英字伯庸幼孤遵母訓克自成立及長博洽載籍登乾隆

甲子鄉薦性嗜學老而彌篤屢主雞峯池陽書院講席多所成就著有亭山集其文行詳見喬潤齋方伯所撰墓表

容窩有名諸生律身修潔嘗假館郿縣王氏王故藏書家遺盡窺其所有鏡志古學如前志所載杜南蝕中說昇原渠說陳倉石鼓諸辨雖考核未甚精研然涉獵羣書馳騁其說固非枵腹者所克辦也著有養正堂集

勇略

明 葛榮節用里人父思銘爲李思齊屬萬戶榮於洪武十年撥充華山衛操練調錦衣衛馬軍後以征捕魚兒海子暨從征大寧接應通州修築北門河壩積功陞本所試百戶永樂初以靖難功陞武略將軍龍虎衛右所副千戶予世襲正統中卒姪

景春嗣節錄  
榮碑

寶雞縣志卷之十

三

王某者令遠里人明末流賊亂連破雙堡明月堡聲言必克太平堡人情洎懼欲逃王提劍立於北門曰賊已逝去將何之有同死此耳况死中可求生耶衆遂馮城拒戰王夜出敢死士斫賊營賊衆饑疲乃去堡賴以完

張更善射有膽略一口堡衆悉在田賊忽自西來至弔橋去堡門數武衆爭入城門不得閉更見勢危不及甲冑擁盾手弓迎敵弔橋上賊矢集盾如蝟更呼賊帥與語一矢殪之比賊大至衆已入城據守矣更蟠溪里人

馬四素便捷勇決賊帥有三隻手者善槊射人多傳而畏之一日引數十騎營伐魚堡東坡下人不知其爲三隻手也出數百人邀擊之賊發三矢衆皆驚潰遂直薄南門門將閉矣四獨出一矢墜三隻手馬下賊擁之去大衆至欲攻之三隻手曰此中

有人未可攻也三隻手者王可臣也後以降積功至總兵見集人於鳳翔問曰馬四奇男子在乎曰在今老矣可臣咨嗟久之

以上節錄毛儀三人傳

張邁留字省吾明末諸生順治初陝西甫定有五閭王者賊黨也受僞爵闖敗後率三百餘人行劫賈村等堡居民騷動遇雷忿甚而力不敵乃僞與歡飲伏壯士執梃于坊肆間酒酣遇雷伴醉而呼四面羣起盡捶殺之賊婦赴省鳴冤遂械繫拷掠既而事得自以策略中武解元任江南屯局都司卒

舊志

篤行

明趙一元邑庠生父疾衣不解帶朝夕在側及葬廬墓三年人聞其哭者皆感泣

趙演號習之少孤事母竭力承歡及卒廬墓哀毀骨立

寶雞縣志卷之十

三

劉守仁泉安里人事親克孝母歿廬墓

楊倣程邑庠生父歿七日不食杖而後起以上四人直指學使俱表其門

張素知大寧里人三歲孤事母力田盡色養病則晨夕泣禱願以身代衣不解帶者數月喪葬如禮邑令敦請耆賓壽八十六卒

楊崙少孤事母彭氏以孝聞母八十遭疾起居污穢皆躬親之卒葬如禮

方世恩母董氏多病迎醫侍養不遺餘力母喪三日不食三年不爇不扇

李郁邑庠生家貧值歲荒走百里負米以養母及病朝夕診視湯藥必嘗而後進食視母多少衣不解帶母壽七十餘卒居喪

盡禮閭里稱孝焉

李桂芳年十餘歲家貧傭作養父母父卒力不能營塋權厝城西日往哭焉歸則爲位哭于室一日聞母言父有畫像遠寄走數百里迎歸事之母尋卒亦權厝焉後稍有積卽營域治榔合墓遠近俱感其孝

田良祿兄弟友于五十年無間子孫入庠者九人直指旌之兄歿哀慟不食三旬亦卒

楊孚光事繼母以孝聞性喜周急邑令敦請耆賓

本朝 王可久八魚里民事繼母張以孝聞張病可久禱神剔臂肉以調藥母果愈

張繼昌字熙如邑庠生事親侍疾湯藥親嘗喪祭盡禮豐奩歸妹腹產讓弟邑人爲作孝友傳鄙人李柏爲之序而系以詩

寶雞縣志卷之十

四

潘繼昌富國里民明末父爲流寇所虜卽入賊營乞以身代賊釋之其兄允昌爲田氏誣以非辜繼昌力控雪之事甫平而繼昌卒妻楊守節奉姑人稱夫孝婦貞云

高居仁宣明里人父椿於康熙初以禦吳逆功補江寧府經歷隻身赴任踰年罷官嗣後邈音問者踰二十年初父行時居仁甫晬周稍長就傳日以其父流落異地嗚咽悲泣迨年二十二鬻產南訪歷半載不遇沿途哭禱於神一日遇一叟於逆旅乃熟知其父踪跡居仁以爲夢也引錐刺骨血流大慟乃泣求老人引之過江至佛寺中值深秋其父單衣禦寒懼困幾斃相遇喜極而泣奉以北歸越一載而父卒得入於先人之兆焉人比之王原黃向堅云

張式仲字友則由舉人任蒲城教諭性清介孝友母歿七日不

食事兄如父每以祿不遺養爲憾故其教士先德行後文章食士輒割俸贖之秩滿歸卒于家郎中原表載故門人也自蜀入都過邑拜其墓年七十矣猶爲淚下交頤云

李丹表貢生事親以孝著直指旌其門

王大烈承豐里民年十三而母卒父年五十餘大烈負薪以養後稍裕父好施每先意承之父臨終曰願諸子皆如大烈家斯昌矣凡父所屬愛沒身愛之不衰春秋時薦必垂涕歲歉則出粟助親鄰後乃儲麥二十石假里之老成者主之以備荒焉

董永清太學生事繼母叔母以孝聞撫諸弟皆能成立家無間言閭里稱之

史紀祥衆安里民爲賈逐什一以奉親父患癱遂停生理朝夕侍疾三載衣不去身遂以勞瘁先父卒

寶雅縣志卷之十

五

張振聲庠生事繼母齊三十餘年得其歡心齊亦撫如已出

王纘志庠生父世臣卧病纘志衣不解帶親嘗其糞父疾果愈人以爲誠孝所感云

張敬修字恪恭庠生持身孝友克副鄉評晚以詩文自娛自號清溪居士

董成梅慕儀里人以監生考授州同性孝友有從叔卒於外成梅爲扶柩歸殯族弟乏嗣代爲娶妾遂有子兩值大荒捐糧賑之全活甚衆生平好善樂施而處家則不特殺不精食數舉鄉賓年七十七卒雍正九年有司申請

旌其閭

王體乾八魚里庠生痛父卒乃其叔數日亦卒體乾大慟雙睛突出寸餘家人驚惶急以冷水復于眶歲餘卒以毀死

沈昭宣明里武生事母孝其母患頭瘡每暑月輒發昭爲吮之痛少已瘥以爲常

容爾質字寓章孝弟里庠生家貧事親甘旨必備親沒哀毀骨立孝廉張鍾英誌其墓曰春風沂水負高士之襟期負米扇床敦昔賢之至性

楊紹襄字繩宗邑庠生少孤事母撫弟妹構極艱苦邑令王權延爲義學師以視田所獲獨塋三世八柩嫁堂從之孤女四人邑令錢界舉孝廉以老辭

閻克鑑字衡章務本里貢生事父及繼母以孝聞親多病克鑑盡心診視由是通醫理父暮年不能行常負之出入厠踰污穢皆躬親

車形輿務本里民事親日耕夜讀朝夕承歡以色養遂不應試

寶雞縣志卷之十

夫

張燮底店里民年十四母病割左肱肉奉之尋愈

王金炳歲貢生居喪哀毀逾禮事兄如父兄性嚴炳不敢稍有違忤或晚歸必迎於途時醉則必假寐臥室外俟安寢而後退兄惟一子多疾炳憐之過于己子其卒也邑人容萬有表其墓尚義

明 路雲程號紫炎好義急公輸金濟難有司詳請旌獎冠帶楊允賢號西洲居鄉醇謹力敦古風捐產濟難甘心貧窶授徒自給及門者以百數

高克良耆民也途拾十金追給遺主饑歲捐粟贖還鬻入學使表其實行

王國忠樂善好施正統三年九月二十日勅下陝西鳳翔府寶雞縣民王國忠國家施仁養民爲首爾能出粟一千一百石賑

濟有司以聞朕甚嘉之今特賜勅獎諭勞以羊酒旌爲義民尚  
允蹈忠厚表勵鄉俗用副褒嘉之意

韓惟賢孝友遺訓耕讀傳家邑人公舉德行學使禮以束帛仍  
旌其廬邑令朱炳然敦請鄉賓固辭造廬強之始出壽八十四  
卒

本朝 程大謨礮溪里庠生邑當兵燹之後逋賦累年民逃十六  
七大謨捐貲代輸逃戶始歸業納契者填門大謨曰吾不欲持  
此復迫人也悉焚之其從弟與析產田廬器具大謨任其擇取  
子孫或不能平叱之曰爾曹藉分時財豈能自成立耶

袁扶鼎崇德里民自其始祖守純至扶鼎克敦孝友六世同居  
內外無間言鄉黨法之邑舉耆賢

張宏德慕儀里民自其八世祖原至宏德子天培九世同居矣  
實難縣志卷之十  
張秉誠慕儀里庠生亦九世同居

孔伯江西渠里民六世同居食指至五百餘友愛無訐諍聲  
張學孔伐魚里民康熙三十年有王楷者客遊至里奉母抱子  
母病且危無所投學孔館之給食月餘母卒助之棺歛復資送  
楷歸後竟不來卽代爲瘞之學孔家不豐又值歉歲人以爲難  
劉福衆安里民乾隆十三年代完本里積欠銀二百餘兩邑令  
周榜其門

葉枝松涼泉里民有楊雷者三子種瓜涇濱水暴漲草舍盡漂  
三子俱棲於樹兩日夜樹又將仆雷夫婦躍岸號哭枝松懸賞  
募水手結椽爲筏有郭宏基張師聖者皆樂助之遂出三子於  
洪流之中

倪甲第涼泉里民業醫在外懸壺夜有少婦奔焉正色拒之不

去遂大驚呼奔者愧遁

霍紳洪原里民家赤貧以鬻食爲活一日鬻於市歛器籠中忽有白金五十紳知爲食者所遺而多人莫辨其主遂藏以待俄而有晉買來認物色良是遂還之買欲以數金酬堅不受

王之輟孝弟里民于陳村鎮賣餅拾中金八十餘兩覓還其主郡縣俱表門

張思敬孝弟里民于賈村鎮拾銀三十九兩候失者如數還之欲分半相酬不受

毛九齡邑監生清水河舊有渠灌溉頗艱九齡于乾隆七年捐貲鳩工鑿南山石引水其利始廣人皆便之

張宥聲務本里庠生性端嚴讓分宅于其兄年未三十妻卒不再娶鄉人稱之

以上俱訂舊志

寶雞縣志卷之十

大

傅宏臣涼樓里民家畜羊數群過人有婚喪不能舉者輒助之里之南岩多棲行旅值雨雪有不能舉火者每推食以食康熙六十年大饑盡鬻其羊以周閭里至今稱之

張景良務本里武生族姓繁衍而良約以禮法人皆化之鄉里從無爭訟邑令喬給額旌獎

劉澤永豐里民性澹泊寡營乾隆十六年有遠方傭二人爲澤掘土得白金約二百其一分半逸去其一恐澤覺持所得白澤澤謝之曰財果吾有吾早得之奚藉汝遂不受且爲治裝勸之歸

王魯敦仁堡人性孝友父卒事叔如父乾隆三十六年歲大祲出穀麥五十餘石分給堡中賴以全活者甚衆

李之偉西渠里民性好施凡里中不能舉火及力不能營婚喪

者惻然助之不計償乾隆己丑庚寅連歲饑道殣相望由粟麥  
三百餘石分賑鄉族壽至八十餘卒

康金生仁義里民業醫己丑庚寅間堡中五十餘家半不能舉  
火出粟麥五十餘石贍之有秦州馬姓者患脚疾卧道上扶歸  
其堡醫之給饋粥焉月餘病愈資之歸

馮震楊家灣人庠生六世同居

姜育農慕儀里民五世同居

郭興雞峰里庠生素慷慨里有婚喪力助之己丑庚寅連歲饑  
捐家粟不足復鬻產以佐之里中人婦孺子生聚無餓殍焉

按此外采訪所及并據輿論臚報則有請急解職暮年孺  
慕之楊甲木居喪盡禮不入房幃之張紳銘姜被式好矢  
不再娶之王嘉選王嘉充又有指困恤鄰捐粟賑饑之楊

賈維縣志卷之

元

世炎張要李有宗田樹棠董思溥王端等但諸人士或敦  
行不怠髦而猶勤或視履考祥其旋元吉雖鄉評業已允  
洽而論定必需百年彙書簡末以俟續修者採擇焉

鄉飲

本朝正賓

馮繼唐

強遜志

袁如幾

容乃大

李景白

楊澆

楊又時

李宮林

楊執蒲

張又良

閻時中

董份

韓文華

董思醇

楊殿揚

楊之昂

張文炳

楊侶

楊甲木

王前驅

以上從遜舉志  
補入年分無考

乾隆二十  
六年舉

乾隆三十  
五年舉

乾隆三十  
七年舉

乾隆三十  
九年舉

乾隆四十  
三年舉

乾隆四十  
六年舉

乾隆四十  
八年舉

介賓

王昌瑋 以下無註者  
俱係生員

李仕

楊天樞

張作材

王學孟

沙見龍

田肇基

王公聘

高而誠

張瓊采

袁肇基

翟寬

高天健

馬駒

楊起鵬

喬其昌

茹宏士

馮廷秀

王世福

孔宗孔 以上年  
分無考

張廸良

杜廷彥 俱乾隆二  
十六年舉

毛九齡 監生乾隆三  
十五年舉

傅繼美 乾隆三  
十七年舉

張殿邦 乾隆三  
十九年舉

王自豪 乾隆四十  
三年舉

王登瀛 乾隆四十  
六年舉

吳夢麟 乾隆四十  
八年舉

耆賓

寶雞縣志卷之十

楊調鼎

楊珉

袁光佑

杜如梅

朱希鵬

宋毓周

李允德

程明禮

黃天祥

李元愷

田瓊

楊爾翠

袁扶鼎

任天禧

任天佐

葛攀楹

王佑

王天祥

李昌先

魏養義

周養龍

董文正 以上年  
分無考

劉仕

葛攀楹

全澤 俱乾隆二  
十六年舉

馮昌駿 乾隆三十五  
七兩年並舉

王璣 乾隆三十  
九年舉

姜興農

李世隆 俱乾隆四  
十三年舉

高禧 乾隆四十  
六年舉

李芳 乾隆四十  
八年舉

按鄉飲酒之禮具載儀禮第四篇禮記第四十五篇周禮其

義也

國家崇德尙齒興賢育才順治二年定鄉飲酒之禮賓一人介

俛稱之或倍之或三之末設三賓蓋象禮記天地陰陽之

義也至乾隆十八年釐定其典賓介俱仍前制另於耆民

中舉數人爲衆賓蓋儀禮大夫若有遵者則入門左卽禮

記之所謂僎賓也鄭注謂此鄉之人爲大夫者也舊制俱

以耆民爲之則無以異於衆賓也邑舊志統載者壽一門

得介賓二十人俱無舉報年分其自張廸良以下則考諸

案牘而臚列者也又得耆賓二十二人亦無舉報年分則

未知其爲僎賓與爲衆賓與茲自劉仕以下續得九人俱

係乾隆十八年定例以後所謂衆賓是也然鄉飲酒禮某

賓戒賓拜迎拜至諸儀俱以正賓爲主舊志均散見于選

寶雞縣志卷之十

三

舉表中則白亂其例矣茲仍特書而條分之其自董思醇

以下雖從案牘中與介衆互較年月相符然旣缺者則不

能補之也但舊志旣未考其選舉年分而於諸人名下各

綴設辭數語甲可易乙張可戴李稽之案牘舉報原詞多

不相符核之志傳之體尤不相合不得不從其例也亦有

典禮未與乎賓筵而年齒已屆乎上壽如舊志所載年踰

九十者郭渭源失其里甘文淵安平里民孫緒位索顯誠

俱甲軍所民張文燦福緣里民年踰八十者李士魁晁皓

里民蘭希友崇德里民高秋宣明里民張漢柱務本里民

難安清泉里民楊永春永寧里民秦建基孝弟里民潘泗

士富國里民李維新李培生俱淳化里民柳玉崇德里民

其年踰七十者李勝重容乃宏俱孝弟里民張國治務本

里民李元憲淳化里學生林恒春壽南里民又有前明高牧楊應遠二人明志所無舊志亦不言其年壽所極建類書之其諛詞亦從其削以歸畫一自乾隆十七年以後

湛恩優渥孝治養老蠲徭役給粟帛每十年一舉行其倍領粟帛年踰九十者韓世增正己里民楊膏福緣里民蒲總仁義里民與領粟帛年踰八十者李瑛胡國新趙聚朋俱務本里民馮之翼劉心聰楊遜黃肇基楊大生俱陵川里民趙宗孟通川里民喬嵩梁倉子明禮俱承豐里民高坤生劉經董樹威俱宣明里民巨聖緒太寧里民劉體張壽俱壽南里民楊一馳福緣里民王承興李璉俱忠信里民張翰墨礪溪里民胥廣學蒲朝著俱仁義里民賀國有賈玳俱洪源里民其畱丁侍養年踰七十者張欽劉祥俱福緣

寶雞縣志卷之十

三

里民陳瑛太寧里民楊珂劉漢福楊建王紹宗俱忠信里民劉天喜正己里民又有年踰八十詳領粟帛因前次漏報格子司議者曹大年張誌紳俱陵川里民張廣楊大寶張孝祿俱福緣里民權中庸趙環張逸党德基閻克銘馬學習張世榮胡三遇車彰興張清胡國滿張孝信俱務本里民張均太寧里民張大夏韓世德張崇憲張大成楊廣生俱正己里民趙超強中矩強翰俱壽南里民李剛行李起李廷澤俱忠信里民楊科楊翁李子義俱晁峪里民周集清水里民樊潤景毓珍俱暖泉里民甯宏業甯彩甯燦俱底店里民司裕石國成俱崇德里民高爾觀通川里民

吳從先吳紀俱八魚里民羅際緣節用里民黃好順武安里民韓杰淳化里民其中有在許志未修之前而載筆

遺逸者然則其所云云者豈可爲典要耶亦倣史家彙書之例以見

聖朝恩養隆禮和氣洋溢壽考敦龐齒讓敬長之心有不油然而興者耶

流寓

周呂尙東海上人其先四岳佐禹平水土有功虞夏之際封於呂或封於申姓姜氏夏商之時申呂或封枝庶或爲庶人尙其後也本姓姜氏從其封故曰呂尙呂尙蓋嘗窮困年耆矣以漁釣奸周西伯將出獵卜之曰所獲非龍非虵非虎非熊所獲霸王之輔於是西伯獵果遇太公於渭之陽與語大譏曰自吾先君太公曰當有聖人適周周以興子真是耶吾太公望子久矣故號之曰太公望載與俱歸立以爲師

史記齊太公世家

呂望

寶雞縣志卷之十

三

年七十釣於渭渚三日三夜魚無食者望甚忿脫其衣冠上有農人者古之異人謂望曰子姑復釣必細其綸芳其餌徐徐而投無令魚駭望如其言初釣得鮒次釣得鯉刺魚腹得書曰呂望封於齊望知其異

說苑

文王將田史編卜之曰將大獲非熊非

羆天遣大師以佐昌臣太祖史疇爲禹卜畋得臯陶其兆類此

至于磻溪之水呂尙釣于涯王下趨拜曰望公七年乃今見光

景尙立變名荅曰望釣得璜其文要曰姬受命昌來提撰爾洛

鈐報在齊後天下歸周乃封尙於齊

竹書紀年注

唐陸康吳郡人天寶末從母兄劉邈之尉陳倉康自江南來

有主簿楊豫尉張穎者皆來賀飲方酣適有魏山人琛來自言

能知人客亦樂聞其說咸與揖讓而坐時康以醉卧於東榭琮

指康曰醉卧者不知爲誰明年當成名歷官十餘政壽考祿位

諸君子不及也言訖遂去明年康明經及第授秘書省正字充隴右巡官調授咸陽尉遷監察御史蓋厓令比部員外郎連典

大郡歷官二十二考

前定錄

廖有方交州人善詩柳柳州有送詩人廖有方序謂其人剛健厚重孝弟信讓以質乎中而文其外爲唐詩有大雅之道爲世之所罕則其人可知矣元和乙未歲遊蜀過寶雞於逆旅嘗乘

葬胡綰秀才事見雲溪友議後改名游卿李逢吉知舉及第

牛徽僧孺孫父蔚官尚書右僕射徽舉進士累擢吏部員外郎乾符中蔚辟地於梁道病徽與子扶籃輿入閣路盜擊其首血流面持輿不息盜迫之徽拜曰人皆有父今親老而疾幸無駭驚盜感之乃止及前谷又逢盜輒相語曰此孝子也共舉輿舍之家進帛裹創以饋飲奉蔚留信宿去抵梁徽趨蜀謁行在丐

實難無忘卷之十

言

言

歸侍親疾會拜諫議大夫固辭見宰相杜讓能曰上遷幸當從親有疾當侍而徽兄在朝廷徽乞還營醫藥時兄循已位給事中遂許之父喪客梁漢終喪以中書舍人召辭疾改給事中留陳倉張濬伐太原引爲判官敕所在敦遣徽太息曰王室方復瘡藏殫耗當協和諸侯以爲屏藩而又濟以兵諸侯離心必有憂不肯起濬果敗復召爲給事中由中書舍人爲刑部侍郎襲奇章男奸人忌徽之正徙太子賓客以刑部尚書致仕歸樊川卒贈吏部尚書

唐書本傳

仙釋

周 尹喜爲散關令老子將西出關以昇鶴書占風氣逆知

當有神人來過乃掃道四十里見老子而知是也老子在中國未有所授知喜命應得道乃停關中老子有客徐甲少貧於老

子約日雇百錢計欠甲七百二十萬錢甲見老子出關遊行迷索償不可得乃倩人作辭詣關令以言老子而爲作辭者亦不知甲已隨老子二百餘年矣唯計甲所應得直之多許以女嫁甲甲見女美尤喜遂通辭于尹喜得辭大驚乃見老子老子問甲曰汝久應死吾昔貸汝爲官卑家貧無有使役故以大元清生符與汝所以至今日汝何以言吾吾語汝到安息國固當以黃金計直還汝汝何以不能忍乃使甲張口向地其太元真符立出于地再書文字如新甲成一聚枯骨矣喜知老子神人復能使甲生乃爲甲叩頭請命乞爲老子出錢還之老子復以太元符投之甲立更生喜卽以錢二百萬與甲遣之而去并執弟子之禮具以長生之事授喜喜又請教誡老子語之五千言喜退而書之名曰道德經焉尹喜行其道亦得僊神仙傳

寶雞縣志卷之一

壹

按李尤函谷關銘云尹喜要老子畱作此篇而崔浩以尹

喜又爲散關令縣西南之益門鎮相傳有尹喜故宅舊志列入方外今仍之

唐許棲巖岐陽人也舉進士習業於昊天觀每晨夕必瞻仰真像朝祝靈仙以希長生之福時南康章臯太尉鎮蜀延接賓客遠近慕義遊蜀者甚衆巖將爲入蜀之計欲市一馬而力不甚豐白入西市訪之有番人牽一馬瘦削而價不高因市之而歸以其將遠涉道途日加芻秣而肌膚益削疑其不達前所試詣卜肆筮之得乾卦九五道流曰此龍馬也宜善寶之及登蜀道危棧棲巖與馬俱墜岸下積葉承之幸無所損仰不見頂四面路絕計無所出乃解鞍去銜任馬所往于槁葉中得栗如拳棲巖食之亦不饑矣循其崖下至一洞穴行而乘之或下或高

約十餘里忽爾及平川花木秀異池沼澄澈有一道士卧于石  
上二女侍之巖進而求見聞二女云是太乙真君巖卽以行止  
告玉女玉女憫之白於真君曰爾於人世亦好道乎曰讀者莊  
黃庭而已曰三景之中得何句也答曰老子云其精甚真莊子  
云息之以踵黃庭云但思以卻壽無窮笑曰去道近矣可教也  
命坐酌小杯以飲之曰此石髓也嵇康不能得近爾得之矣乃  
邀入別室有道士云是潁陽尊師爲真君布算言今夕當東遊  
十萬里巖熟視之乃卜馬道士也是夕巖與潁陽從太乙登東  
海西龍山石橋之上以赴群真之會座內仙客有東黃君見棲  
巖喜曰許長史孫也有仙相矣及明復從太乙君歸太白洞中  
居半月思家求還太乙曰汝飲石髓已壽千歲無輪泄無荒淫  
復來此再相見也以所乘馬送之將行謂曰此馬吾洞中龍也

寶雞縣志卷之十

五

以作怒傷稼責其負荷子有仙骨故得值之不然此太白洞天  
瑤華上宮何由而至也到人間放之清曲任其所適勿復置之  
既別逡巡已達號縣則無復故居矣聞鄉人言代已六十年出  
洞時二玉女託買號縣田婆針乃市之杖繫馬鞍上解韁放之  
化龍而去棲巖幼在鄉里已見田婆至此惟田婆容狀如舊蓋  
亦仙人也棲巖大中末年復入太白山去

傳

五代 傳楚邑人幼抱高志遂辭親皈佛博求宗旨南之嶺外  
東適江表每於法會印可知識逾十二年旋里時後唐清泰主  
以潞王節度鳳翔尊禮之遂爲構佛宇於邑之青峯山四方歸  
者與山谷曹溪相侔及潞王卽位以舊恩隆璽書勞問賜號曰  
彰勝大師後於天福二年八月廿二日雷偈而逝其徒清旃清

悅咸克繼宗風云

宋 文海邑之廣濟寺僧熙寧八年以節度使曹佺奏其戒行  
清高賜紫

岫師號寶月青峯禪院僧也示寂後王箴銘其龕有法通南北  
絕羣離喧天空月明萬慮不干之句

元 邱處機登州棲霞人自號長春子兒時有相者謂其異日  
當爲神仙宗伯年十九爲全真學于寧海之崑崙山與馬鈺譚  
處端劉處元王處一郝大通孫不二同師重陽王真人重陽一  
見處機大器之重陽旣逝真人乃遊秦隴戢志磻溪日乞一食  
行則一簑人謂之衣簑先生戊申金世宗徵赴闕特旨住全真  
堂隨還終南山金宋之季俱遣使來召不赴歲己卯太祖自乃  
蠻命劉仲祿持詔求之處機忽語其徒使促裝曰天使召我當  
往翌日使至乃與弟子十有八人同往旣見上延問至道處機

寬維縣志卷之十

七

答以節慾保躬天道好生惡殺治尙無爲清淨之理上說命左  
史書諸策癸未乞東還賜號神仙爵大宗師掌管天下道教甲  
申三月至燕八月奉旨居太極宮丁亥五月特改太極爲長春  
七月九日畱頌而逝年八十至元己巳詔贈五祖七真徽號又  
曰長春演道至教真人

纂元史釋道傳及  
輟耕錄雲山集

明 張君實遼東懿州人一名全一三丰其號也以其不飾邊  
幅又號張邈邇頎而偉龜形鶴背大耳圓目鬚髯如戟寒暑惟  
一衲一簑所啖升斗輒盡或數日一食或數月不食書經目不  
忘遊處無常或云一口能千里善嬉諧若無人在金時修煉  
寶雞縣之金臺觀洪武初復來寶雞與西關道士李白雲交契  
有童子張朝用者君實問知其先世謂曰吾識爾高祖始生時  
童子善自愛越月北行朝用與白雲送之太祖故聞其名洪武

二十四年遣使覓之不得後復居金臺觀一日自言當死甯願而逝縣人共棺殮之及塋聞棺內有聲啟視則復活乃遊四川見蜀獻王再入武當歷襄漢踪跡益奇幻永樂中遣使累訪不遇天順三年賜詔贈爲通微顯化真人終莫測其存亡也

蔡明史方

外傳及省志

本朝 慈休和尚法名廣教雲水僧也康熙間住東彌陀院多年洞悟宗旨慧解莫測禪人師禮之著敲空擊響若干卷并語錄行于世

明林號瑞光不知何許人康熙乙未奉大雲和尚住青峯龍衍寺性樂靜惡囂博通內典得無礙法禪人宗之住院四十年一日跌坐畱偈而逝有語錄二冊

方技

寶雞縣志卷之十

天

喇 劉鳳善醫室氣色能知癥結隔年決人生死皆不爽人無貴賤貧富一視之時號爲一方司命

本朝 高允升壽南里民業醫康熙十三年鄂將軍駐寶勳寇中鎗子入胷流注於腰諸醫束手允升先用藥卽以刀刺腰取出將軍無恙得奏凱一時官兵被傷全活者甚衆鄂公旌之曰華公神術邑令徐子卧病久諸醫莫效允升視之見其嗽痰涎腥甚曰公子非病也瘡在腹已潰矣當早愈因飲茶過多故遲至今宜勿飲茶因炙一焦畱藥一劑飲之愈治疾不望報年八十七卒

陳備恪字子敬宣明里人少補武生通周易數占歲雨暘豐歉不爽凡所占候至沒後數十年無不驗卒至七十預知死期彭永壽號眉山孝弟里人善書摹宋元名家山水每閉戶凝神

時開一牖，聲聲被髮，雲水飛動，寫成隨意持贈，如以多金索則不可得矣。年三十，歿，人收其片楮，皆珍藏之。

雜傳

東漢 呂鮪，陳倉人。更始敗後，光武方事山東，未遑西伐。鮪擁眾數萬，歸公孫述，拜為將軍。李育、程烏將數萬眾出陳倉，與呂鮪、徐三輔三年征西將軍馮異擊鮪。育于陳倉大敗之。鮪育奔漢中。十一年，岑彭伐蜀，鮪與述弟恢及延岑、王元、悉兵拒廣漢。及資中，述亡。後鮪不知所終。纂後漢書公孫述及馮異岑彭傳

唐 魯寧，陳倉人。太宗時，為折衝都尉。豪縱犯法，縣莫敢屈。劉

仁軌射陳倉，約不再犯，而寧橫暴自如。仁軌榜殺之。唐書劉仁軌傳

田元佐，號人憲，宗喜方士。說詔天下求其人。元佐言有秘方能

化瓦礫為黃金。介方士柳泌、浮屠大通薦于天子，詔除號令。唐書

王守登傳

寶雞縣志卷之十

元

田元論曰：古之言三皇者，殊矣。鄭康成列女媧於伏羲神農之

間，甄耀度數去女媧而益以燧人、白虎、通去燧人而增入

祝融，其言俱無徵不信。惟孔安國作書傳，升黃帝為三皇

而冠以伏羲神農與周易繫辭相合，而鄭樵通志、蘇轍古

史皆宗之。觀於志乘所采，水經注帝王世紀諸書，則作者

之聖，所謂大道為墳者，固接迹於陳倉一邑間也。古者因

生賜姓，昨土命氏。縣南姜水，既為炎帝得姓受氏之源，故

紀傳首列之，而少典、女登亦因以附見。其成紀、軒轅各有

發祥之所，不必曲為附會，以戾於古所云也。夫叔孫氏有

言大上立德，其次立功，其次立言，雖久不廢，此之謂不朽。

今志中所載如耒耨之利以教天下，食其德者億萬斯年。

亦越有周號叔食采有夏修和太公鈞璜後車是載均已  
功垂竹帛矣至於號文公之徵古考音徐敷之承先開後  
庶幾既沒而其言立者乎然邑於漢爲三輔於唐爲次畿  
自前所列聖績賢行而外其流風餘韻何其宜聞而久不  
聞也豈姓望所出羣以邑里相矜虛引他邦遂沒其己邑  
乎又或陵谷變遷因之金石無傳後之視今不猶今之視  
昔乎觀於宋范子嚴之墓志歷七百餘年而復出諸土中  
然則豐功偉烈奇節逸行之埋沒於荒煙蔓草中者不知  
凡幾矣

本朝顯忠遂良超軼前代楊文烈當勝國社屋之餘間關萬里  
獨畱正氣旣已汗青垂教卽如党太保哲秉幾先亦復用  
賢無方洵歷台鼎徵文考獻實一邑之光也其餘艱貞篤  
行方外流寓俱備列之以俟景行者則效焉

實錄縣志卷之十

三

本朝顯忠遂良

實錄縣志卷之十

三

昔平曠氣...

...

...

...

人物下

列女

明 張氏李佑妻年二十一夫亡姑憐其少諷改適氏以死自  
誓苦節終身當事屢旌其門兼餽粟帛焉

譚氏陳大策妻年十九夫亡氏養姑撫遺腹子昌言成立有聲  
賢序學道姜旌之年八十卒

彭氏張附鳳妻附鳳之州判任氏偕行甫抵任而附鳳卒氏挾  
柩攜孤艱辛歸里守節不渝年八十而卒

高氏楊邁妻年十八而夫卒氏供養翁姑勸勿子苦志終身  
張氏高邁妻夫卒氏年二十甘貧苦節年八十七卒

沈氏高第妻少寡撫子射斗篝燈教讀舉于鄉官楚雄知府封

宜人

楊氏劉文詔妻早寡孝事舅姑苦節四十餘年

彭氏楊賓與妻早寡無出撫姪爲嗣而姪又盲孤苦無依守節  
歷五十年

高氏楊光諭妻光諭早卒氏事姑教子貞操五十餘年後以子  
起鳳貴贈宜人並旌其閭

趙氏張綸妻綸有孝行早卒氏水漿不入口三日姑諭以身及  
遺嬰無依氏遂刺左目以示志詔旌其閭

高氏強時吉妻年二十二夫卒苦節四十八年院道旌門

彭氏強時修妻李氏強時進妻娣姒也其夫相繼卒彭守節五  
十六年李守節五十一年當時有一門雙節之稱李氏之孫瑋

舉人

高氏張乾妻早寡苦節隆慶三年巡按周題請建坊  
楊氏劉復引妻夫亡子幼紡績資學當事旌之

王氏夫張造士早卒氏痛哭欲以身殉有勸之以家貧子幼尊  
章何依者遂含哀茹藥養老字孤振其家聲學使旌其門  
林氏李承芳妻夫故氏哀毀欲殉念遺腹子強爲食息上事舅  
姑得其歡心已而生子元春辛勤紡績以資教讀遂補邑庠  
學朱表曰貞節

胡氏徐如春妻年二十七而寡媳高氏子成章妻年二十二而  
寡姑媳完節人比之強姓娣姒云

王氏高竝妻守志時年甫十六崇正八年巡按范題請建坊

胡氏逸其夫名崇正六年流寇破縣逼之上馬氏大罵賊怒碎  
其屍

寶雞縣志卷之十一

二

陳氏袁逢辰繼室明末寇亂氏攜六歲兒遇賊於塗逼之氏罵  
不屈賊怒曰寧不恤幼子耶從則母子俱生氏愈罵遂並其幼  
子見殺

李氏党恂如妻明末以宦眷回籍至容城遇追寇者疑爲寇虜  
欲脅去氏怒罵旋被刎項頰俱傷惟喉未斷恂如尋獲昇至布  
政胡戴仁所調治之遂得生還

本朝 王氏李茂華妻茂華出外有王一位者氏之總服弟也至  
其家挑之氏大罵一位恐事泄遂以刀刺氏死而逃獄久不具  
有里嫗云是日見一位踰牆倉黃走鞠之遂伏康熙五十二年  
事也大府請

旌如例

強氏高協緒妻少寡守節與姑相依爲命生養得其歡心死葬

克盡古禮年八十而卒雍正五年

詔旌其閭

薛氏馮自壽妻自壽卒氏年少有弟欲奪其志氏毀容力拒遂不歸寧竭力養姑撫子進喜爲娶妻楊氏無何進喜亦卒婦姑相依各盡慈孝薛年八十二卒楊年八十卒乾隆八年題請

旌以雙節之楔

王氏袁遐齡聘妻未結褵而夫亡聞訃奔喪遂不歸母家終以哭泣成疾三年死乾隆九年題請建坊於賈村

賈氏楊灝妻年十七而夫暴亡氏慟哭絕而復蘇勺水不入口者六日翁姑勸以老釋無依遂收涕強食孝養翁姥得終天年撫遺孤克成立於乾隆十二年請

旌建坊

寶雞縣志卷之十一

三

張氏適郭寬年二十三而寬卒翁姑老遺孤甫晬氏紡績養翁姑得終天年喪盡禮又爲兩弱叔及孤備脩脯資問學叔翰賓與子建斗皆籍諸生守節五十八歲卒於乾隆十三年請

旌建坊

張氏楊松年妻少寡孝姑撫三子成立耕讀起家乾隆二十年以常節詳請

旌以清標彤管之類

党氏楊大夏妻少寡翁姑藉其孝養以終天年撫一子莖茶盡瘁壽七十餘卒乾隆二十一年請

旌如例

盧氏夫韓密早卒二老垂白幼子髫齡氏仰事俯畜克體夫志乾隆二十一年有司以常節詳請

旌以清標彤管之額

王氏劉漢政妻歸政三年而政卒疾革時謂氏曰吾殆將不起汝又無出奈老親弱弟何氏卽指天矢靡他旣孀居織紉組紃以事尊章生沒皆能盡禮爲叔漢法投室有三子取一以嗣夫後無何叔姊又相繼卒氏艱辛萬狀撫嗣子從朱及姪從保從正皆能成立於乾隆二十六年請

旌建坊

閻氏王文妻少稱未亡人承遺命孝事翁姑族里稱其克盡婦道守節四十三年乾隆三十年請

旌如例

康氏毛珍成妻珍成亡時氏年二十一無所出翁姑老叔幼繼祖姑項氏猶在堂氏矢志守貞養老恤幼人無間言旣而翁姑相繼卒喪盡禮事項氏愈謹無纖毫失意爲叔娶妻有二子鞠其一以爲夫嗣姒卒姪庭訪甫二歲遂並撫之使嗣子力田授庭訪讀得入邑庠於乾隆三十年題請

旌表

潘氏寄士宏妻年十六歸士宏而姑卒翁老遺叔士仁士桐方數歲氏潔膳羞力縫紉甚得婦道乃未五年而士宏卒氏誓以身殉夜投繯爲族婦解救家人勸之垂涕曰妾無子而翁有二叔可以終養妾宜從夫地下翁泣諭之曰媳死於義固當奈我老二子皆弱何氏遂誓守節事翁育叔及翁卒竭力營葬附身附棺均無有悔旣又爲兩叔完娶迨有子各以其一爲兒嗣焉於乾隆四十一年題請

旌表

涪氏張文元妻年十七適文元五年翁卒夫以毀死氏矢志撫孤依於伯氏辛勤鞠子及授室二年而子又死媳王氏抱貞奉姑能繼其志伯氏憐其執義以次孫本立爲姪嗣氏紡績授讀得入邑庠無何孫復旣娶而天氏慟不欲生以子媳孫婦俱能勵志承順強復食息以徇其意乾隆四十八年以常節請

旌以清標彤管之額

郭氏年十七歸於毛天正甫一年而夫死祖姑猶在堂翁姥更無他子感慟欲死氏誓守節代夫奉事尊章并孝養祖姑扶持出入產故不豐乃辛勤紡績以供朝夕已而姑舉二子氏操作愈力爲延師完娶迨各抱子遂以二姪承夫祀焉乾隆五十年邑人陳狀題請

旌表

寶雞縣志卷之十一

五

按舊志所載節烈年月多失考今惟以旌門者爲冠其餘人均仍其舊不能一一別其先後也

塞氏王震生妻夫卒無子三日視含歛畢夜縊於柩旁府縣旌曰烈婦

薛氏劉宏先妻夫卒無出誓以身殉家人失防遂自房中自縊邑人競爲詩誄之表其墓曰節烈

袁氏沈文繡妻早寡無子會吳逆亂地方騷動或勸以改適氏面叱之鄰有婦夫喪夜哭氏以禮規之亦同志守節焉後以族人朝宰爲嗣卒年八十有四

曹氏李時秀繼室少寡值康熙十二年兵燹之際誓死撫孤愛前室子如己出攜避遠鄉紡績自給年八十九卒學使旌其門黃氏吳潤妻少寡遺孤八月時吳逆初靖邑當大兵之後闕井

蕭條家徒四壁氏撫孤誓守紡績自贍或竟日不舉火鄰里憐助咸不受後子孫成立年六十五卒

魯氏王惠妻年十九夫亡撫遺腹子守節數年其夫弟欲嫁之謀于其妻故洩其語以試之氏泣曰未亡人所以不死者爲此孤耳何迫之甚耶遂仰藥死

楊氏潘繼昌妻夫卒奉姑撫孤備嘗艱難邑令祝旌其門

吳氏索統妻夫卒時姑老子幼氏一身措拄往居無愧

吳氏程三善妻少寡姑憐其盛年諷以更適氏矢死奉姑守貞延師課子克臻成立子大誥邑明經

韓氏高夢徐妻早寡家貧紡績以供溇灑自夫亡暨舅姑沒後霜操五十餘年學使旌其門

熊氏張琬妻年十九而夫卒氏既仰事舅姑孝養無方矣撫遺

寶舞縣志卷之十一

六

腹子鍾英教之有文名後舉甲子孝廉學使旌其門

張氏閻震妻早寡事繼姑克諧以孝守節四十年

馬氏張誠修妻早寡事舅姑克孝守節五十年如一日

楊氏寇聰妻早喪夫無恆產氏針指供舅姑之養歿後竭力營葦子復愚不能致養遂拮据終身聞者嗟之

董氏王居所妻少寡守節色養舅姑鄰里稱之壽七十餘而卒

閻氏索發志妻年二十夫亡姑老子未啐氏事姑孺慕教子成人壽七十有一

高氏姚漢儒妻年十八夫卒氏斷指自矢人稱其烈

趙氏朱銘功妻二十喪夫斷髮誓翁姑前紡績鞠二孤成立孫

籍諸生年八十卒

王氏高宏烈妻年二十三夫故母憐其少勤改適氏以死自誓

撫子成立

張氏楊挺妻年二十寡慟不欲生翁姑泣勸曰爾獨不念八月遺孤耶乃勉強食飲閔匪城卒以悲痛致疾堅不服藥曰遺孤能食粥矣余將從夫地下數日果卒

甯氏胡淵妻夫死誓志守貞三十九年如一日

劉氏索垂統妻夫死無所出鄰里勸之嫁氏曰夫既無子豈可更無妻遂拾薪績緯以自度客丁孤苦踰七旬卒

王氏秦康妻夫卒於外氏獨處破土室中或勸之嫁惻然曰未亡人所以不卽死者以夫尸未還且有遺腹故耳勸者色沮未幾生男鞠之成立卒迎夫柩于漢中鄉里稱之

趙氏賈鴻儒妻少寡撫八歲孤文英入座爲授室乃文英又早逝遺媳李氏復守節紡績養姑人稱姑水婦玉云

實錄卷之十一

七

郭氏方植本繼室年二十九寡撫其幼孤依夫姪方田田復亡田妻趙氏年十九遺孤更幼能守節奉郭同撫弱叔幼子俱成立壽皆七十餘卒

劉氏王彩妻年二十而寡姑繼其夫卒遺叔尙幼差長於孤氏同撫之備歷艱苦邑令表其門

張氏袁印妻早寡子幼或諷之嫁指孤而言曰此子旣喪父何堪復離母遂一心撫孤壽八十六卒

趙氏容篤妻早寡撫遺腹子甘貧守志子又早逝復撫弱孫壽八十二卒

張氏潘克比妻少寡撫遺腹子成立事姑盡孝守節四十九年

沙氏袁祈籙妻少寡事翁媪無間言撫遺腹子遇狩入庠邑令

王旌其門

鄭氏張楷妻早寡守貧孝事翁姑年七十二卒

楊氏杜植訥妻少年守節善事翁姑撫遺孤爲娶妻年三十而天復撫孫甫七齡亦殤氏遂以悲痛終

李氏孫養賢繼室少寡事姑教子守節四十年

賈氏容暉妻早寡茹荼事姑守志無貳年五十四卒

鄭氏李棲鳳妻王氏李翔鳳妻鄭二十五寡王二十三寡甘貧守節互相勉勵侍奉翁姥撫子馥禪各成名鄭年八十三王年七十七貞壽亦同學使以貞範表其門

楊氏茹大士妻少寡孝姑守節四十五年教子銘鼎入庠

魯氏王庭哺妻早寡供養翁姑完節三十六年壽六十餘

李氏李泰妻少寡子在襁褓姑逼桑榆氏晝親農務夜勤紡績以事姑撫子繼湯入庠未幾亦逝遺媳胡氏艱苦尤甚姑媳俱

### 克完節

寶雞縣志卷之十一

八

杜氏張鵬翰妻十八歲守節奉姑鞠子後其媳歐氏亦寡人稱雙節

袁氏高符妻符卒氏年十九翁慮不能安室氏卽截髮誓志孝事高堂以媳代子

趙氏吳誠繼室年二十三誠卒完節撫孤事繼姑以孝聞撫前室子如巳子人以爲難

秦氏岳如林妻年十九寡無子其娣亦寡而子方晬竟改適姑念秦盛年亦諷之嫁氏斷髮自誓遂撫方晬之姪奉姑守節姑年九十七氏亦八十二卒今岳氏族姓繁衍皆秦氏所撫姪之遺也

宮氏呂夾鍾妻早寡無子誓守節撫姪際府爲嗣而天復撫姪

際顯爲嗣顯後籍諸生皆氏鞠育之力云

崔氏董舒統妻十七守節績紡撫孤五十餘年

張氏楊敏功妻少寡守貞家貧撫孤子稍長賣餅爲活困苦四十年處之晏如

楊氏王纘惠妻年二十而喪夫子未晬紡績撫孤至孫克生入邑庠

高氏馮璋妻年二十守節撫孤天篤教養備至後仕曹縣丞

趙氏白文彩妻年二十二夫亡苦節撫孤本素後舉孝廉

張氏毛相成妻年十九夫卒無子繼姪爲嗣姪又亡復繼姪孫撫養之艱辛備歷年五十四卒

曹氏陳一新繼室早寡撫前室子無異已出屬節四十一年

溫氏楊世綸妻早寡守節撫子桂桂授室後又逝遺媳溫氏亦守貞養姑一門雙節且並出一族人以爲難

寶雞縣志卷之十一

九

吳氏王辭讓妻少寡無子撫二歲族姪爲嗣織紉自給葦夫養姑學使旌其門

李氏李柱妻年少夫亡食貧撫孤克家其父卒於蜀助弟資斧迎歸營葬以節兼孝

梁氏吳印伯妻年二十四夫故遺孤五歲守節撫之有姪喪母撫如已出鄉人美之

曹氏杜枝實妻年二十四夫故無恒產紡績育四歲孤成立既而子媳俱亡復艱苦育孫年八十八卒

高氏陳王秦妻十九夫亡撫數月孤長成授室旣而子媳皆亡焚燬無依織績自給聞者惻然年六十九卒

趙氏魏經正妻年二十四夫亡撫幼子韜成人授室無何韜亦

卒媳朱氏年二十七守節奉姑人稱雙節

王氏楊自龍妻二十七夫卒子作宋方晬週守節鞠之比作宋  
投室後又逝媳王年二十一而寡相依姑年八十四卒媳卒亦  
八十

翁氏孟金妻二十七守寡撫子宗禮成立娶妻李氏生二子宗  
禮亡李年二十一孝姑撫子克繼其志

張氏楊百魁聘妻乾隆庚寅歲饑疫百魁未冠而夭氏年十六  
聞訃泣白母請奔喪母不獲已挈氏同往至百魁墓所慟哭幾  
斃卽至翁楊全勤家拜見翁姑以守貞自誓不復還母家其兄  
見楊貧又利妹嫁數至全勤家促張返室氏以大義折之兄慚  
而去遂紡績孝養翁姑竟免爲荒年殍鬻三歲以積勞感既卒  
督學旌其門

寶雜縣志卷之十一

十一

李氏高祖保妻年二十四夫卒無子依其夫之從弟某未幾某  
又死其妻谷氏有三歲孤氏勸同志撫之無何谷亦死氏遂獨  
撫其孤及長投室生子而姪又死媳他適氏復撫其遺孤焉卒  
年七十有八

王氏趙國良妻國良患疔乾隆庚寅饑氏母圖利於女身欲逼  
國良賣之先以計誘氏孀姑晚年改節氏知必及已遂自縊

王氏李宗道妻歲饑氏治麻縷泔澣以佐家計忽一日宗道  
引容突至其家囑之氏知爲醫已卽攜所生女至母家涕泣拜  
辭復攜女歸夜自縊死

王氏劉繼夏妻年二十三夫卒遺子讓方晬守節育孤三十餘  
年

昌氏楊椿妻年二十三夫卒子甫一月有氏夫異居之堂兄屍

氏不能守先以己子嗣之以圖分產氏卽如其意分業之半與之守節四十餘年

譚氏李瀚妻年十八夫亡舅姑俱老遺腹生一子養老字孤四十年如一日

王氏姚士妻適士生一子乾隆辛卯歲大饑室家莫保士遂欲鬻氏爲兩全計氏曰妾聞婦人從一媼婦猶知守節况吾有夫乎縱餓死無怨也士見妻不從遂潛鬻之俄而娶者至氏鏗戶大哭曰天乎何相逼之甚也夜久聲絕破戶視之則縊矣時年二十二歲

李氏李敏妻二十四歲夫亡翁老兩小叔暨兩遺孤俱幼氏竭力事翁兩叔二子俱克授室

張氏朱芝妻二十一夫卒遺子甫二歲舅姑老且病家計蕭條

母憐其幼欲嫁之氏不從遂養老鞠幼閨範克敦其子筆彩邑庠生

庶氏李基冥妻二十二而夫亡子甫晬氏勵志孝養撫翁之弱叔幼姑及其遺孤並無失所

黃氏張漢智妻武氏張漢亮妻俱少寡守節養翁姑教弱息武氏子養性今籍諸生

王氏索維翰妻夫以武舉任宣州衛千總甫抵任卒氏守節撫遺腹子恒春今爲郡學生

張氏索鐸妻適鐸一年而夫死誓以身殉夜自縊爲姑覺救免卒不食死

按自劉中壘作列女傳後之言女德者宗之班氏固劉子駿父子而成史未嘗竊取其書別爲一傳陳承祚纂三國

志如辛憲英之卓識夏侯烈女之艱貞亦附見而無端傳  
蓋坤道無成誠慎之也洎茫蔚宗修後漢書始破體而爲  
列女傳至於失節之蔡琰亦泆濫附焉後代之作史者因  
之郡縣志爲周禮小史之遺於是擦觚者侈言女德矣寶  
雞舊志自前明暨

本朝以節著者不過十餘人至許志則搜羅更廣矣然前明僅  
二十人亦有續修增入者其餘見見聞聞固非方隅之所  
能限也又聞亦有汗青而復再醮者則靡他須以之死爲  
期而

功令守節自年三十以內至五十以外俱得請

旌如例是論定又不必益權也此次開局以來白採訪以至陳  
請其中遇癡而賦烏鵲處常而歌黃鵠烈踪懿行旣已徵

寶雞縣志卷之十一

十一

諸三老無異訶善善欲長固不必含毫不斷也自叨李張

氏以後旣爲之紀其事跡如右又有未詳委折粗具崖略

者如守節事翁姑教子則有董如桂妻馮氏葉盈枝妻張

氏王內省妻張氏馮佳妻羅氏范度妻馬氏傅世醇妻楊

氏張誠妻梁氏趙璧妻郭氏葉枝藥妻趙氏劉經妻傅氏

王樹本妻黃氏馬體中妻高氏張璧妻袁氏王希賢妻景

氏李模妻楊氏焦現妻劉氏黃之翰妻王氏韓之藩妻張

氏高得良妻陳氏韓金玉妻容氏劉建元妻容氏常君謙

妻楊氏張錄妻張氏趙光統妻倪氏李揚妻馮氏鄧文選

妻姚氏王紹善妻沙氏魏淑泰妻張氏李倬妻楊氏李大

烈妻王氏譚開業妻趙氏楊書紳妻葉氏朱元功妻潘氏

卓萬倉妻閻氏倪奇勳妻李氏張開基妻安氏馬健妻張

氏郭生椿妻馬氏劉廷緒妻陳氏鄧現妻王氏楊茂華妻  
高氏張鴻典妻劉氏徐渡瀛妻韓氏劉光井妻楊氏王天  
植妻文氏守節事翁姑則有劉緒宗妻李氏張英妻張氏  
趙其灝妻彭氏楊慥妻郭氏尹希琰妻張氏王振聲妻張  
氏張漢良妻仝氏楊簡妻張氏常安仁妻康氏楊學禮妻  
林氏張黃恩妻張氏支載嶧妻趙氏毛景儒妻王氏王紹  
統妻吳氏張居賢妻杜氏守節撫孤則有張世俊妻張氏  
楊文禮妻高氏沈時宜妻喬氏俱體仁妻焦氏雷時動妻  
韓氏張述孔妻王氏茹成蓮妻楊氏翟智妻孫氏靳之昆  
妻王氏索兆璽妻仲氏張其煥妻溫氏楊逢泰妻劉氏董  
有序妻黃氏劉煥妻楊氏張克爲妻梁氏魏瓚妻王氏袁  
良相妻劉氏張雲貞妻張氏李之桂妻衡氏王玠妻董氏  
段福妻趙氏田璞珍妻魯氏張紋妻黃氏王仁妻李氏閻  
綱妻魏氏魏愷妻郭氏強繩祖妻梁氏喬懼妻王氏喬漢  
魁妻強氏王天視妻段氏謝智妻梁氏枝元興妻陳氏龐  
廷桂妻張氏蒲三畏妻尤氏楊世基妻王氏王世珍妻王  
氏王重士妻戴氏王嘉碩妻薛氏張朝格妻沈氏譚繼周  
妻李氏守節撫姪則有楊明妻歐陽氏車金興妻羅氏鄭  
舉妻楊氏楊夢祥妻韓氏馮進位妻王氏李模妻張氏無  
依苦節則有方宏業妻強氏李基唐妻何氏魏從堂妻朱  
氏楊左相妻楊氏程希春妻李氏王紀妻董氏王用德妻  
張氏張國計妻姚氏楊緒妻冷氏胡相妻姚氏尉大略妻  
李氏俱恭妻閻氏田榮妻袁氏龐濟博妻高氏劉永世妻  
黃氏孫世禎妻郝氏沈書重妻程氏朱魁輔妻王氏之數

十人者陳狀雖略完貞則同用分類從以識榷檟蓋仿史  
傳彙書之例以事之繁簡爲損益而非有所軒輊也

載彙書之例以事之繁簡爲損益而非有所軒輊也

十八卷則雜錄宗貞同甲合慶資以備詳錄益損

寶雞縣志卷之十二

風俗 物產附

風俗他邑所同者不書書其見於經史志錄與見聞所及者物產亦然其非見於載籍及多且異者亦不書也

吳公子札來聘為之歌秦曰此之謂夏聲夫能夏則大夫之至也其周之舊乎左傳

詩孔疏秦者隴西谷名今隴西秦亭秦谷是也然史記文公以兵七百人東獵至汧渭之會卜居曰吉遂營邑之當在今

邑東竟內

秦處仲秋之位男懦弱女高瞭白色身音中商其言舌舉而抑

聲清而揚詩含神霧

秦金積堅故秦俗亦堅春秋說題辭

寶雞縣志卷之十二

詩風兼秦豳兩國其民有先王遺風好稼穡務本業漢書地理志

河西其氣蔽壅厥性急凶故曰雍雍壅也李延爾雅注

馮翊扶風是漢之三輔其風大抵與京師不異去農從商爭朝

夕之利游手為事競錐刀之末貴者崇侈靡賤者薄仁義豪強

者縱橫貧窶者窘蹙隋書地理志

三輔者本雍州之地其為士好高尚義貴於名行其俗失則趨

勢進權惟利是視冊府元龜

雍州土厚水深其民厚重質直無鄭衛驕惰浮靡之習以善導

之則易於興起而篤於仁義以勇驅之則其強毅果敢之資亦

足以強兵戎而成富強之業宋子詩傳

宓子未至單父冠蓋交接於道陽晝之所謂陽橋也然非養老

尊賢單父何由以共治長吏甫下車邑人士罕投謁者蓋陽晝

之所謂飭也越收歲而薦紳文學盡響惠來公事雖急朋友益親至於敬業論文彙筆赴課者不下百人始和讀澹聞風襄事者亦如之則彬彬鄒魯之俗矣

周禮井邑邱甸之制其遺風猶在今豐岐間邑俗淳樸急公好義自乾隆四十六年暨四十九年兩次震鄰之恐車馬偶有微發受僱如趨避行無誤其涵濡者久也

繭絲保障急之則張緩之則平前次剛柔失調人思躍冶承乏四載戴星不常厥居投牒質成並無更端之請稍加釐剔卽已訟簡庭閒矣管子所云秦之民閔而好事豈其然乎

鄉民聚堡而居啟閉有常堡外浚以深壕守望相助有一非類則誰何之矣以故竊鈎者鮮佩刀持梃更屬罕見殺人爰書一歲不三四上也連年年豐人樂熙熙春臺因其欲然不擾之而已

陝俗戲會類多博戲前在洵陽中其禁約博徒因以斂迹平川村落相望鄉民祈報百勞一澤原可下通人情仍遵前撫陳文恭公興革事宜夜戲賭博兩者交禁鼠竊狼鬪由茲益絕密冬伏臘時有持尊酒來獻者云自禁博後已贖回膏田數畝矣一笑却之

周書羣飲者殺蘇氏曰具獄不必殺也漢時賜酺則特恩矣但積久難禁道在去其太甚而已邑民素不飲茶早起入市羣飲燒酒日中復飲黃酒於是優狎謗毆譁然膚慙矣隨事做之業已無及概爲厲禁則城中市沽者三百戶俱廢業矣惟嚴懲沉

無懼乎

喪服斬衰裳直經杖絞帶冠繩纓菅屨者賈疏冠繩纓以六升布爲冠又屈一條繩爲武垂下爲纓也其餘齊功總免冠以升數遞增布六升卽所謂苴麻也邑屬喪服不論斬齊功總喪冠率用苴麻戴之入市其持服三年者尙有素冠棘人之感餘則漫無區別矣此亦如泥於王元感之喪期所當變更者也  
闕通志正俗崇儉諸約關中舊習素奢侈矣邑中俗尙儉樸無鮮衣美食之矜其於王嗣美燕會約所云則並無之親友除履端賀歲外惟收穫後一問庄稼豐嗇而已老子所云其民淳淳者是也

士之子恒爲士農之子恒爲農所謂不見異而遷也邑俗館師芒種後無不歸田者生徒亦各散去朝耕暮讀尙得古人遺意嘗至鄰邑之館有操觚學文者叩其脯資自矜每歲輸錢三百以故授徒無不貧者然課其舉業蒸蒸日上豈亦窮而後工者耶

里長久經裁革山南徵糧以催差爲之蓋庶人在官者三輔有單頭總催什則皆里長之變名也其編甲有里長戶甲首戶里長役同催差賦重人疲難辭筆楚嘗憫其勞欲均其役於甲首幾如口分世業堅不能拔也然終年在城漁食於公因之作慝犯科亦樊然難詰矣

活業爲典斷業爲賣南人欲杜後累買者十九典者十一鄉俗圖其賤值大約典多買少賣者復價索值不止數倍矣迨至斷契交業復遭控糧之累若使預爲之圖質劑明畫豈有噬臍之悔乎

陸海平疇世守其業越畔而耕者不過尋丈之間耳然投牒質

成丈必以弓甲贏乙縮按之量數均未及畝廢時失事所得詎償所失乎

府史胥徒待食於公需祿代耕其在公無祿者亦或少須犒勞胥役分里勾攝各不相貸至於客籍則互相推諉矣嘗攝一爭嗣事應禮書署稿以中有田畝廬舍舉而讓之戶工所謂欲壑之恣幾無有矣豈盡若輩之廉哉

捕曰海捕言其無所不到也又曰鷹捕言其無所不利也縣役緝捕分屬壯快二班雀鼠細務仍以催糧里分分途勾攝其甲入乙里則智愧老馬矣竊鈞之案間或弋獲殺人亡命者卒或自歸胥篋之事則絕無也縣令借此混沌之輩藉以粗安昔謝上蔡令應城時吏士植庭如木偶人豈此之謂乎

深厲淺揭衛風之詩也湖洄湖游秦風之詩也三輔涇渭水漲時藉舟濟渡其通衢別水額設水夫原備文報緩急之用水夫因負渡索錢於是渡者無徒涉者矣雖走卒與夫臨流時無不伸手待負者其積習然也輿夫肩輿爲業弛負時雖未困乏亦須策蹇而行所謂天下有九福秦隴鞍馬福也

禹貢雍州厥田惟上上厥賦中下孔氏傳曰田第一等賦第六等人功少鄉屬耕者播種之後稍薺茶蓼則以祈甘雨矣麥秋刈穫必需麥客其人俱秦隴之民自西徂東良莠不一穿窬胙篋無所不有曩年岐山沂陽均遭巨案朋來聚慝亦先事之宜防者也

子母居奇操縱鄉愚洵志言之詳矣縣屬晉人登壟權什一之利有名爲青菸債者大約如洵人餌挹布點穀之愚耳亦有以母權子責值不止三倍者雖盡償甲所負其質劑不能勾也則

又鬻而之他於是又認乙爲債主矣其點思何大相逕庭哉  
興漢諸郡縣均受流寓種山之累客強欺主案牘叢生近者流  
寓日廣轉而之西邑中南山之南實繁有徒矣山地向無王名  
土人貪目前之利指界稞之轉佃鳩踞驅之不獲雖每事懲之  
其能補乎

物產

穀之屬

黍稷周禮職方氏雍州其穀宜黍稷爾雅翼黍以大暑而種故  
謂之黍省志關中所謂糜者本謂黍也爾雅粱稷郭璞注今天  
下所謂粟米者正稷米也

白麥本草拾遺小麥秋種夏熟出關中者爲上品縣冊邑產白  
麥以供貢

果之屬

寶雞縣志卷之十二

五

栗詩秦風隰有栗陸璣詩草木疏栗五方皆有周秦特饒范子  
云栗出三輔

山黎詩隰有樹檉毛傳檉赤羅也陸璣疏云一名山黎今人謂  
之楊檉實如黎但小耳

榛實鄭禮記註榛實似栗而小唐書地理志鳳翔屬貢榛實栗  
史地理志同

胡桃廣志陳倉胡桃薄皮多肌

藥之屬

天麻名醫別錄赤箭生陳倉川谷夢溪筆談云赤箭卽今之天  
麻也

獨活金史地理志鳳翔路產獨活馬通志今寶雞扶風皆貢之

名醫別錄生雍州川谷

羌活金史地理志鳳翔路產羌活明一統志同

芎藭金史地理志鳳翔路產芎藭名醫別錄生斜谷西嶺

薇銜本草別錄一名無心草金史地理志無心草產鳳翔路

燈草升麻骨碎補秦艽金史地理志皆鳳翔路產

草之屬

蘭舊志一莖數花出南山

蒹葭詩蒹葭蒼蒼毛傳葭蘆也孔疏初生爲葭長大爲蘆成則

爲葦

木之屬

桑詩阪有桑舊志邑令喬光烈教民養蠶環城植桑遂成茂林

邑民利之號喬公桑

楊詩隰有楊

寶雞縣志卷之十二

六

棘楚詩止于棘止于楚爾雅注棘卽馬棘鄭詩箋楚雜薪之中

尤翹翹者

楸楠詩終南何有有條有梅毛傳條栢梅栢爾雅栢山榎郭注

今之山楸也栢孫炎云荊州曰梅揚州曰栢陸璣疏梅樹皮葉

似篆章而木理細緻過之子赤者材堅子白者材脆也

柞櫟詩山有苞櫟陸璣疏云秦人謂柞櫟爲櫟河內人謂木蓼

爲櫟此秦詩也宜從其方土之言柞櫟是也其子房生爲櫟者

志云俗呼花栗木

貨之屬

漆詩阪有漆今邑南山俱產漆但取者不多耳

席蠟唐書地理志鳳翔府貢龍鬚席蠟燭宋志同

煙雀志服之而醉名曰煙酒今邑沿渭一帶皆藝此而貨焉

禽之屬

黃鳥詩交黃鳥毛傳搏黍也郭璞曰黃離留

鷓鴣詩駝彼晨風毛傳晨風鷓也陸璣疏似鷓青黃色燕含勾喙向風搖翅乃因風飛急疾擊鳩鴿燕雀食之

雉石鼓詩麀鹿雉兔今邑南山中驚雉最多

獸之屬

駁詩隰有六駁毛傳駁如馬食虎豹正義云說見爾雅釋畜然則此獸名駁而已言六者王肅云據所見而言也今按焦氏易林所云三羖五羊迷入空谷徑涉六駁爲所傷賊即據此詩惟陸璣作樹皮青白駁犛解又府志益門山中虎爲害一日風起有物張兩翼如赤旗其音如鼓片時風息樵者止見虎頭二虎爪八爾雅所謂駮如馬倨牙山海經所謂音如鼓食虎豹是也獨角獸陳貞父宗雜錄寶雞縣有獨角獸樵者見其卧林間或搏虎而食之輒餘其半山家每得殘虎以飽

鹿麀豕兔石鼓詩麀鹿速速君子之求又曰麀豕孔庶又曰我兔允異今瀕渭南山長林豐草其儻儻俟俟猶夫昔也

畜之屬

馬詩有馬白顛史記秦非子養馬于汧渭之間馬大蕃息

水族之屬

鯉鯉石鼓詩汧毆泛泛否彼淖淵鯉鯉處之君子漁之潘迺云

鯉鯉皆魚名鄭樵云鯉鮓也

鯊石鼓詩瀉瀉有鯊鄭樵云瀉瀉同鯊魚名

白魚石鼓詩帛魚鱧鱧潘云帛卽白字

鱣鮪錦石鼓詩黃帛其鱣有鮪有錦鄭云鱣或作鱣魚名鮪今作鮪

鱣石鼓詩其魚維何維鱣維鯉

蛙舊志娑羅泉張三丰習靜處惡聞蛙聲禁之至今產蛙不鳴論曰國風始於周召二南終於幽與中間十有一篇之秦風俱在今陝西所轄境內鄭箋云周召者禹貢雍州岐山之陽地名屬右扶風美陽縣幽屬右扶風枸邑秦者隴西谷名於禹貢迤雍州鳥鼠之山今按周召俱在岐山縣枸邑卽邠州之三水縣秦谷卽甘肅之秦州是也幽距邑遠不具論秦非子牧馬汧渭之間秦文公獵於汧渭之間俱在縣東境內舊志縣東三十里有周原卽岐周地而召亭距縣東界僅三十里則自畿內而被於諸侯吾邑承流最先所謂自北而南者應亦自東而西也集傳曰謂之風者以其被上之化以有言而其言又足以感人二南詩共二十五篇惡乎言言百穀草木耳言鳥獸蟲魚耳入於何感感於庶彙之蕃殖萬物之感若而詠歌舞蹈於不自知耳然則物產之盈絀卽俗尚之美惡政治之得失所見端也是以當日者周公左召公右自關雎以至騶虞旣已被之管弦用之鄉人邦國然後本俗之安休息之養土宜之宅舉而措之裕如矣程子所謂有闢雖麟趾之意然後行周官之法度是也至周易而爲秦而風一變蒹葭白露之詩猶亟亟思復周禮豈非先王之教澤猶在人心與然蒹葭蒼蒼其氣已肅白露爲霜其陰始凝於此而欲復周禮以追二南之風亦祇溯洄溯游興懷於在水一方耳今覆讀

其詩車鄰駟職卽牧馬蕃息之遺風寺人媚子卽近習鑿  
蔽之嚆矢小戎無衣男女同仇終南北林盛衰相繼涓陽  
兆晉霸之先聲黃鳥知東征之不復至於夏屋渠渠則逐  
客之幾見矣猶是百穀草木鳥獸蟲魚耳世之相後曾幾  
何時而溫柔敦厚之風豐亨豫大之象何以一變而如風  
之所云乎然則政之所以行豈不由化之所以被乎我  
國家深仁厚澤遠達海隅關中風俗敦龐被化最渥采風如右  
間有百里不同之處抑亦儉嗇思深易導爲善至於嘉穀  
材木不貴異物不致見異而遷尤所謂允迪保居者也年  
來大有頻登民氣和樂惟在長民者休養生息庶幾存心  
愛物於人必有所濟乎

愛物於人必有所濟乎

來大有頻登民氣和樂

材木不貴異物不致見異

間有百里不同之處抑亦

儉嗇思深易導爲善至於

嘉穀材木鳥獸蟲魚耳世

之相後曾幾何時而溫柔

敦厚之風豐亨豫大之象

何以一變而如風之所云

乎然則政之所以行豈不

由化之所以被乎我國家

